

حزب عدله

برنجی سنه

۲ کانون ثانی ۱۳۲۵

جمعه ایرتسی نومرو : ۳

قِسْمَتِ شَرِیْعَتِ

نوابات عدله

حله قضاسی بدایت محکمه سی جزا دائره سی رئیس
حضر افندی به

بصره ولایتی مرکز تجارت محکمه سی رئیس ناجی افندی به

کربلا سنجانی بدایت محکمه سی جزا دائره سی
رئیس فواد افندی به

موصل ولایتی استیناف محکمه سی اعضا سندن
علاء الدین افندی به

بایزید جامع شریفی در سعاملرندن و مکتب نواب
مأذونلرندن ذهاوی زاده امجد افندی به

بعدادولایتی استیناف محکمه سی مدعی عمومی معاونلکی

اعضالغی « » « » « »

« » « » « » « » « »

بغدادده مأذون دعوى وکيلي يعقوب افندي يه

بغداد استيناف محکمه سى اعضای سابقه سندن

کالوس افندي يه

موصل ولايتى استيناف محکمه سى اعضاسندن داويد

سامرا افندي يه

بغداد ولايتى استيناف محکمه سى اعضای سابقه سندن

غرا غزاله افندي يه

بغداد استيناف محکمه سى اعضای سابقه سندن

بابان زاده سليم بکه

بغداد ولايتى مرکز بدايت محکمه سى باش کاتبى

عبدالجار افندي يه

بغدادده دعوى وکيلي سليمان فائق افندي يه

منشى حکيم افندي يه

بولى مدعى عمومى معاونى عبدل بکه

قومانوه قضاسى بدايت محکمه سى جزا رئيسى

سابقى لطفى افندي يه

قدس شريف بدايت محکمه سى اعضالى

مأذون على رضا افندي يه

يافه قضاسى بدايت محکمه سى مستنطقى مکتب

مذکور دن مأذون يوسف افندي يه

مکتب مذبور مأذون نرندن دعوى وکيلي يوطو

وامون افندي يه

لازقيه سنجاغى بدايت محکمه سى اعضا ملارمى

يوسف حکيم افندي يه

کوملجته سنجاغى بدايت محکمه سى باش کاتب سابقى

اسماعيل حقى افندي يه

شورای دولت سابق ضبط کاتبلرندن ناجى بکه

مرعشه دعوى وکيلي خرلاقيان کر قورافندي يه

بغداد ولايتى استيناف محکمه سى اعضا ملازملى

» مرکز بدايت محکمه سى اعضالى

» » »

» » »

کليبولى سنجاغى بدايت محکمه سى مدعى عمومى معاونلى

» بولى » »

» » »

» » »

» » »

» » »

مرعش سنجاغى بدايت محکمه سى اعضالى

نيکمه ده مأذون دعوى وکيلي يورغا کي اغنياثوا افندي يه

قونيه بدايت محکمه سى اعضاسندن مکتب حقوقدن

مأذون واسيلا کي افندي يه

قونيه ده رژی دعوى وکلتنى ايفا ايدن مأذون

دعوى وکيلي عتکلا کي پراشکويئيس افندي يه

کوپريلي قضاسى بدايت محکمه سى اعضاسندن

واسيل صرافيم افندي يه

کوشخانه سنجاغى بدايت محکمه سى باش کاتب سابقى

وکلاى دعاويدن ايوبى زاده احمد حمدى افندي يه

بتليسه دعوى وکيلي بادىکيان موسس افندي يه

اشقودره ولايتى استيناف محکمه سى اعضاسندن

محمد فريد افندي يه

ارضروم » » » عبدالرحيم افندي

انقره ولايتى » » » ديموستن افندي يه

خداوندکار » » » ميساق بوياجيان افندي يه

هما سنجاغى مدعى عمومى معاونى توفيق افندي يه

اطنه ولايتى سر مستنطقى مکتب حقوقدن مأذون

بهجت افندي يه

ولايت مزبور اوچنجى مستنطقى رفعت افندي يه

سلانيك اجرا مأمور معاونى بخور افندي يه

اطنه ولايتى ايکنجى مستنطقى محمود سزائى افندي يه

حکارى سنجاغى بدايت محکمه سى اعضاى سابقه سندن

يوسف افندي يه

سينچه سنجاغى بدايت محکمه سى اعضاسندن

عبدالمسيح افندي يه

ديار بکر ولايتى بدايت محکمه سى اعضاسندن

حنانجى افندي يه

آلاصونيه جزا رياستندن مستعفى حسن بکه

قونيه ولايتى استيناف محکمه سى اعضالى

قونيه ولايتى مرکز بدايت محکمه سى اعضالى

طاشليجه سنجاغى بدايت محکمه سى اعضالى

چهارشنبه قضاسى بدايت محکمه سى مدعى عمومى معاونلى

بتليس ولايتى مرکز بدايت محکمه سى اعضالى

ارضروم ولايتى استيناف محکمه سى اعضالى

اشقودره » » »

خداوندکار ولايتى استيناف محکمه سى اعضالى

انقره » » »

مرعش سنجاغى مدعى عمومى معاونلى

هما سنجاغى » » »

سلانيك ولايتى مرکز بدايت محکمه سى مدعى عمومى معاونلى

ولايت مذکوره مرکز ايکنجى جزا محکمه سى اعضالى

حميديه قضاسى بدايت محکمه سى مدعى عمومى معاونلى

وان ولايتى مرکز بدايت محکمه سى اعضالى

موصل ولايتى استيناف محکمه سى اعضالى

» » »

بايزيد سنجاغى بدايت محکمه سى جزا دائره سى رياستى

کسکین قضاسی بدایت محکمه سی جزا دائره سی ریاستی
تیره قضاسی بدایت محکمه سی مدعی عمومی معاونی
تکوش قضاسی بدایت محکمه سی جزا دائره سی ریاستی
مکری قضاسی بدایت محکمه سی جزا دائره سی ریاستی
تکوش قضاسی بدایت محکمه سی جزا دائره سی ریاستی
مکری قضاسی بدایت محکمه سی مدعی عمومی معاونی
تفویض بیورلش ومومی الیهمدن محلف بولنجان حسن بک ایله احسان و محی الدین مدوح ، رفعت ،
بخور ، محمود سزائی ، یوسف افندیلرک اصول مقرر و جهله امر تحلیفلی در دست اجرا بولنمش اولمغله
علی الاصول اعلانی ضمننده تقدیم مذکوره ابتدار قلندی ۱۹ کانون اول سنه ۳۳۵



تبلغات عمریه

عدلیه نظارتندن ولایات استیناف مدعی عمومیلکلینه یازیلان تحریرات عمومیه صورتیدر :

۲۰ نیشان سنه ۳۲۵ و ۱۲ تشرین ثانی سنه ۳۲۵ تاریخی تحریراتلره ذیلدر : واردات دولتک کاملاً
خزینة مالیه امرینه تابع طوتلمسی مقرر بولندیغندن بعدما مقاولات محررلکلی حاصلاتیله اعلانات جزائی
خرجلی ومصارف محاکمه تحصیلاتنک پول جدوللری وعائدات سنداتیله برابر مال صندوقلرینه تسلیم
وانحق پول جدوللری نسخه مصدقهرینک نظارته ارسالی وتحصیل اموال قانوننه درج ایدیلهمدیکی بالاخره
تبیین ایدن مرتبات معلومه نك ذیلاً قلمه الان ماده موقته موجبجه تحصیلدار معرفتیله تحصیلی حقندهکی
تبلغات سابقه مقتضیاتی محتاج توضیح کورلدیکی اشعارات واقعه دن اکلشلمغله بو باده برکونه تردد و تشتت
میدان قالماق اوزره بعدما تطبیق و اجراسی لازم کلان معامله نك اول و آخر واقع اولان تبلغات
دائره سندهکی صور تطبیقه سی مبین محاسبه جه تنظیم اولنان مذکره صورتی لفا ارسال قلنمش اولمغله او
دائره ده ایقای معامله یه اعتنا لازم کلنره تبلیغ کیفیت اولنسی لزومی بیان اولنور .
فی ۲۳ صفراخیر سنه ۳۲۷ و فی ۲۳ کانون اول سنه ۳۲۵

واردات دولتک کاملاً مالیه خزینهمی امرینه تابع طوتلمسی مقرر بولندیغندن بعدما مقاولات
محررلکلی حاصلات مجموعه سیله اعلانات جزائی خرجلی ومصارف محاکمه تحصیلاتنک پول جدوللری
وعائدات سنداتیله برابر مال صندوقلرینه تسلیم و علی الاصول ماده بمناه تنظیم ایدلمکده اولان پول
جدولنک بر نسخه مصدقهنک نظارت جلیله لرینه ارسال اولنسی فی ۲۰ نیشان سنه ۳۲۵ وتحصیل اموال
قانوننه درج ایدیلهمدیکی بالاخره تبیین ایدن مرتبات معلومه نك مجلس مبعوثانجه قانونیتی تصدیق اولنقی اوزره
تحصیل اموال قانوننه ذیلاً قلمه آلتوب مرعیت احکامنه بالاستیذان اراده سنیه حضرت پادشاهی شرفتملق
بیوریلان ماده موقته موجبجه تحصیلدارلر معرفتیله تحصیل و تعقیب اوانه جنی مالیه نظارت جلیله سندن
وقوعبولان اشعار اوزرینه فی ۱۲ تشرین ثانی سنه ۳۲۵ تاریخنده مدعی عمومیلکلیه تعمیماً تبلیغ
بیورلش ایدی . بعض محالرجه تبلغات واقعه مقتضیاتی محتاج توضیح کورلدیکی اشعارات واقعه دن
آکلشلمغله بو باده برکونه تردد و تشتت وقوعنه میدان قالماق اوزره بعدما تطبیق و اجراسی لازم کلان

معاملات حقنده ده اطرافلیجه معلومات اعطاسی و بناءً علیه بومقصدی تأمین ایدہ جک اولان تفصیلات آتیہ دائرہ سندہ تبلیغات اجرایی مقتضی کورنمشد.

تبلیغ بیورلمش اولدیغی اوزره ؛ بعدما بالجملة واردات دولت کبی اعلامات جزائیہ خرجلریله حکومتہ عائد جزای تقدیر و حقسزچقان طرفدن تحصیل ایدلمک اوزره صرف اولنان خرج راه و سائرہ نک، تحصیل اموال نظامنامہ سی موجبہ مأمورین مالیه طرفدن تحصیلی تقرر ایش اولسنہ نظراً شمدیہ قدر تحصیل ایدلمش اولان بقایانک دفعهً و بوندن صکرہ تحصیل تحقق ایدہ جک مقدارینک دخی پیدرپی مفردات دفتری دوائر اجراییہ تنظیم و تصدیق ایله محملری رؤسای مأمورین مالیه سنہ تودیع ایدیلہ جک و مأمورین مالیه جه لازم اولان ؛ دوائر عدلیه و اجراییہ نک کیملرہ نهدن طولای مطلوبی واریسه آنک مقداریلہ محل مراجعتی بیلکدن عبارت اولسنہ مبنی مأمورین مالیه یالکز اشبو مفردات دفترینک اعطاسی کافی اولوب بقایا و سائرہً ملحوظہ نک و ثائق حکمیہ دن اولان اعلاماتیله بوکا متعلق اوراق و دفاترک مأمورین مالیه دورینہ محل اولدیغندن بونلر کافی السابق دوائر اجراییہ دن ویریلہ جک مفردات دفتری اوزرینہ تحصیلدارلر طرفندن وقوع اولان تحصیلانک مقدارینی و کیملردن تحصیل اولدیغنی مبین مأمورین مالیه طرفدن هر هفته نہایتندہ مصدق اولہرق کذلک بر مفردات دفترینک دوائر اجراییہ به اعطاسیله تحصیلات واقعه مقدارینہ کورہ ایجاب ایدن رسوم عدلیه پوللرینک کافی السابق اجرا مأمورلری طرفندن اعلاماتہ ربط و ابطال و دفاتر مخصوصہ سنہ ده قید اولہرق تبلیغ بیورلیدیغی اوزره هر آی مأمورین مالیه به اعطا ایدیلہ جک پول تحصیلات جدوللرینک برر نسخہ سی مأمورین مالیه طرفندن مصدق اولدیغنی حالده جزا بقایا تحصیلانک مفردات پوصله لریله برابر ینہ منتظماً نظارت جلیہ لریہ ارسال ایدیلہ جکدر . بعض محللر مأمورین مالیه سی طرفندن رسوم عدلیه پوللرینک کاملاً جهت عدلیه دور ایدلمک ایستلیدیکی اشعارات واقعه دن آ کلاشیلوب حالبوکه تحصیلات ایشی جهت مالیه دور ایدنش اولسنہ کورہ پول حسابات و معاملاتنک دخی ینہ محاسبہ لرجہ ضبط و رؤیتی طبیعی و مع مافیہ بوجہ ت بشقه جه در دست تدقیق بولمغله دوائر اجراییہ جه مأمورین مالیه طرفندن نظارت جلیہ لردن طلب ایدلمسی انتظام و انضباط معاملہ یی موجب و مقتضیدر . مال صندوقلریہ تسلیم ایدیلہ جک اولان مقاولات محررلکلی حاصلاتی عائدات مقننہ سنک دوام اعطاسی طبیعی ایسده اعلامات جزائیہ خرجلری و جزای تقدیرک و سائرہ نک طوغریدن طوغری به مالیه تحصیلدارلری طرفندن تحصیل ایدیلہ جکی جهتلہ بونلرہ عائد تحصیلات ایچون اجرا مأمور و تحصیلدارلریہ عائدات اعطاسنہ و بورجلری اعطادن امتناع ایدنلر حقنده بعدما تحصیل اموال نظامنامہ سی حکمنہ توفیقاً لازم کلان معاملات مأمورین مالیه طرفندن تطبیق ایدیلہ جکنہ کورہ بویکیرلر حقنده دوائر اجراییہ جه برکونه تعقیبات اجراسنہ محل قالمیہ جقدر . شمدیہ قدر دوائر اجراییہ جه تحصیل اولنہ کلان اعلامات جزائیہ بقایاسی و خرج و سائرہ بعدما مأمورین مالیه طرفندن تحصیل واستیفای ایدیلہ جکندن طولای ایفاسی لازم کلان معاملہ نک اول و آخر واقع اولان

تبلیغات سامیہ نظارت پناہیلری حکم عالیسی دائرہ سندہ کی صورت تطبیق بوجه تفصیل عرض ایدلمش اولمغله بوصورتلہ بالجملة استیناف مدعی عمومیلریله معاونلریہ وعدلیہ مدیرت لریہ تبلیغات اجرا و در سعادت استیناف مدعی عمومیلکی مأموریت علیہ سنہ وعدلیہ مفتش لکندہ ده معلومات اعطا و صورت تبلیغ معلوم اولہرق مأمورین مالیه دخی آکا کورہ تبلیغات اجراسنک مالیه نظارت جلیہ سنہ انبایسی .

عدلیہ نظارتندن در سعادت و ولایات استیناف مدعی عمومیلکریہ یازیلان تحریرات عمومیه صورتیدر :

اورمان اداره سیلہ رژی به متعلق جزای تقدیرک عفو عمومی قانوننہ داخل اولوب اولمادیغی بعض طرفدن استفسار اولنسی اوزرینہ کیفیت امور جزائیہ مدیرتہ لدی الحوالہ ؛ بوقیل جزای تقدیرک حقوق شخصیه جملہ سندن معدود اولسی اعتباریلہ اولیاده کی مقررانک داخل عفو اولماسی اقتضا ایدہ جکی صورتندہ بیان مطالعہ ایدلمش و محکمہ تمیز استدعا دائرہ سنک اجتہادی دخی مدیریت مشار الیہانک مطالعہ مشروحہ سی مؤید بولنش اولمغله حالات مماثلہ ده اولوجہلہ ایفاسی معاملہ اولنسی مناسب اولہجنی بیانیہ شقه .

فی ۱۹ کانول اول سنہ ۳۲۵

سیواس ولایتی استیناف مدعی عمومیلکندن وارد اولان تحریرات اوزرینہ امور جزائیہ مدیرتندن یازیلوب عدلیہ نظارتنک تصویبنہ اقران ایدن ۲۹ ایلول سنہ ۳۲۵ تاریخلی مطالعہ نک صورتیدر .

سیواس استیناف مدعی عمومیلکندن مقام جلیل نظارت پناہیلریہ عرض و تقدیم قلنان اشبو تحریرات ایله ملفوفی مفادینہ نظراً ؛ مدعی شخصیلرک منسوخ و یا منقوض اعلاماتہ مربوطاً حقوق شخصیه لری نہ طریق ایله هانکی محکمہ حضورندہ تعقیب و تحصیل ایتلری لازم کله جکی و کذلک قانوناً جنبہ افعالنندن معدود رژی و اورمان دعوالرندن طولای حکم ایدیلان مجازات نقدینک دخی ۱۸ اغستوس سنہ ۳۲۵ تاریخلی قانون موجبہ داخل عفو اولوب اولمادیغی استینان اولنیور .

رژی ، اورمان دعوالرندن طولای حکم ایدیلان مجازات نقدینک داخل عفو اولسی لازم کیلہ جکنک قسطمونی مدعی عمومیلکی ایله ولایات سائرہ مدعی عمومیلکندن با تلغرافنامہ وقوع اولان استیضاحنه جواباً و تعمیماً تبلیغی مطالعہ مذکور تلغرافنامہ ظہرینہ بالتحشیه منظور سامیلری بیورلمق اوزره تقدیم قلنمش اولدیغندن بو بابده تکرار بیان رأی و مطالعہ به محل یوقدر .

حقوق شخصیه عائد تعقیباتہ کلنجه ؛ شاید حقوق شخصیه یی تولید ایدن فعل جرم حقنده هنوز بدایتاً اتخاذ اولنان قرار، حکم غیابی اولوبده محکوم علیہک حق اعتراضی ساقط اولمامش ایسه بوقیل اعلامات غیابیه وقوع اعتراض اوزرینہ اصول عاکمات جزائیہ قانون موقتنک یوز یتیش برنجی ماده سنہ

نظراً كان لم يكن حكمنده قاله جفندن وینه اصول مزبورك اوچنچى مادهسى حكمنجه حقوق شخصيه نك حقوق محكمه لرنده دخى رؤيتى جائز بولنديغندن بوقيل افعال جرميه دن طولاي مدعى شخصيلرك ادعاى حقوق ايللى ويا لكز بداية حكم ايدلمش ايكن استينافاً فسخ ويا تميزاً نقض اولنان اعلامات جزائيه مربوط حقوق شخصيه دن طولاي تكرر بدایت حقوق محكمه سنه مراجعت ، مدعى شخصيلرى يكدن درجات قانونيه ي تعقبه مجور ايتك ديمك اوله رق مغاير عدالت بولنديغندن بوقيل اعلاماته متعلق حقوق شخصيه دعوالرينك مدعى عموميلر طرفندن استيناف و تميز اولنيوب حقوق شخصيه قطعه سندن طريق قانونيسنه توسل ايديلن حقوق شخصيه دعوالرينه قياساً عائد اولدينى محاكم جزائيه ده رؤيت وحكم اولنمى موافق مصلحت و عدالت كورمكله مذكور مدعى عموميلك ايله بو خصوصدن طولاي استيضاح كيفيت ايده جك سائر محللره اول وجهه تليغات اجراسى مناسب مطالعه اولنقده ايسه ده اولبايده

عدليه نظارتندن ولايت استيناف مدعى عموميلكلرينه تعميماً تسطير بيوريان ٢٣ ذى الحجه سنه ٣٢٧ و ٢٣ كانون اول سنه ٣٢٥ تاريخلى تخريرات عليه صورتيدر

١١ تشرين ثانى سنه ٣٢٥ تاريخلى تخريرات عموميه يه ذيلدر:

١٠ تموز سنه ٣٢٤ تاريخندن مقدم اولان جرائم عاديه محكوم ومظنونلرى حقلرنده نشر واعلان اولنان قانونك برنجى مادهسى موجبجه جنحه مظنونين و محكومينه متعلق احكام قانونيه نك عدم انفاذى و جنايات محكومينى حقلرنده دخى قانون مذكورك بشنجى ماده سنه توفيقاً معامله ايفاسى لازم كلسنه نظراً جنجه دن طولاي واقع اولان تميز دعوى اوزرينه اوراقى محكمه تميزه كوندريلوب هنوز نتيجيه اقراران ايتيان جصوصات ايله جناياتدن محكوم اولوبده مدت جزائيه لرينك نصفى اكل ايتمش اولدقلى حالده هنوز صورت قطعيه ده محكوم بولنميا نلر حقلرنده تدقيقات تميزيه اجراسندن بر فائده حاصل اوله ميه جنى جهته تميز دباش مدعى عموميلك دواثرنده موجود بولنان بوقيل اوراق محللرينه اعاده قلمش ايسه ده اخيراً قانون مذكورك حقوق شخصيه جهته متعلق اولان التنجى ماده سنك تعيين مرجع رؤيت دعوى اعتباريله تفسيرينه لزوم كورلمسى وحقوق شخصيه متدائر فقره حكيميه ي حاوى براعلامك ورودى اوزرينه كيفيت محكمه تميز هيئت عموميه سنجه بالذا كره ؛ تاريخ مذكور دن اول وقوعبولمش اولان جرمك سالف الذكر قانون حكمنجه حقوق عموميه جهتى ساقط اولور ايسه ده حقوق عموميه دعواسيله برلكده اقامه اولنان حقوق شخصيه دعواسنك محاكم جزائيه جه فصل ورؤيتى ايجاب ايده جكي محكمه تميز استدعا دائره سندن ٢٥ ذى القعدة سنه ٣٢٧ تاريخلى اعلامده كوسترلمش اولمغله محللرينه اعاده قلمش سالف البيان اوراق مياننده

حقوق شخصيه متعلق حكيمى حاوى اولانلر اولدينى حالده تدقيقات تميزيه ايفسا اولنقى اوزره ارسال ايدلمسى لزومى تعميماً بيان اولنور .

شئون عدليه :

ادرنه ولايتى مركز ومملحاتى امور ومعاملات عدليه سنك تدقيق وتفتيشى ضمننده ولايت مذ كوره يه عزيمت ايتمش اولان درسعادت عدليه مفتش لرندن سعدالدين بك طرفندن عدليه نظارتنه تقديم اولنان فى ٢٤ كانون اول سنه ٥٣ تاريخلى راپورك صورتيدر :

ادرنه ولايتى مركزى ايله جسر مصطفى پاشا قضاسى امور عدليه سنك احيراً اجرا ايديلان تفتيشندن متحصل نتايجه نظراً بر حكم عمومى ويرلك لازم كليسه ؛ نقائص مشهوده دن قسم اعظمك صرف مصالح قلميه يه عائد اولدينى ونفس محاكم معاملاتنده كى جزئى يولسزلقلرك احكام قانونيه ايله عدم استيناسدن ايلرى كلديكى بيان اولنه بيلير . هله ارتكاب وسوء استعمال كى مأمورينك هويت اخلاقيه سيله مناسبته دار اولان حركات قانونشكنانه يه اصلاً تصادف ايدلمديكنك بوراده ذ كرى ، لازمه حقتشاسيدر .

١ — ادرنيه فرداى مواصلته متشكراً دائرة عدليه يه كيديله رك مأمورين ومستخدمينك صورت دواملرى ، محاكاتك طرز اداره سى ، مأمورين اراسنده كى آهنگ مناسباتك شكل ودرجه سى ، اصحاب مصالحه قارشو كوستريلن اطوارك ماهيتى كى ايشلرك انتظام عموميسنى ومأمورينك مزيات ذاتيه وحالات روحيه سنى ارائه ايده جك ظواهر ك رؤيت وتفحصيله اشتغال اولندى .

٢ — احوال عموميه حقنده بو صورته مشهوداته مستند بر فكر ايدينلكدن صكره رسماً تفتيشه بدأ اوله رق حبسخانه دن پوليس اداره سنه واوراق مخزنه وارنجيه قدر جهت عدليه ايله رشته مناسبى بولنان كافة دواترك فروع معاملاتى بر سلسله منطقيه تعقييله كوزدن كچريلدى .

٣ — ادرنه حبسخانه وتوقيف خانه سنك احوالى خاصة سزاي اعتنا كوريلديكندن اوراسنك مكرراً تفتيشنه احتياج مس ايتدى . ايلك زيارته بنانك مشتملات وتفرعاتى معايه ايديلوب شايان اصلاح وتعديل نقاطدن سرعتله اجراسى مقتضى اولانلره دائر مديره بعض وصاياده بولولدى . وحبسخانه نك تعميرينه باشلانمش اولدينى جهته انشاآت صره سنده نظر اعتباره النقى اوزره ونقاط سائر يه عائد مقتضيات قانونيه ده آريجه اخطار ايدلدى . مقدارى ٥٣٠ يه بالغ اولان موقوفين ومحبوسينك هر بيريله كوروشيله رك حبسخانه اداره سندن ويا معاملات عدليه دن سرد ايتدكلرى شكايترلر استماع وقيد ايديلوب زيارت مستأخره ده بوشكاياته

متعلق تدقيقات واستكناهاك نتایجی مشكیله برر برر تبلیغ اولمغه برابر دیگر طرفند ده وصایای سابقهك تطبیقه حبسخانه ادارهسنجه دقت ایدیلوب ایدلدیکی تحت مراقبهیه آلدی .

۴ — تفتیشات واقعه اثناسنده مأمورینك حال وحرکتلرنده وامور قلمیه ايله تطبیقات قانونیهده مرئی اولان نقائص وخطیئاتدن دائره عائدلرنجه تنظیم واصلاحی قابل بولنلرنده هر دائرهك رئیسینه خطاباً یازیلوب صورتلری لفاً تقدیم قلنان ۲, ۹, ۱۰, ۱۱, ۱۲, ۱۳, ۱۴ نومرولی یدی قعظه تذکره ايله اخطار و بعضی معاملات عمومیهدهکی انتظامسزلقلرك رفی لزومی ۱ نومرولو تذکره ايله عدلیه مدیرینه اشعار ایدلدیکی کبی سیر مصالحی سکتهدار ایدن بعضی مواقع خارجیه ايله ضابطهك نظارت قوغوشی وحبسخانه حقندهده ۳, ۴, ۵, نومرولی تذکره یازیلهرق مقام ولایتك نظر دقتی جلب ایدلدی . کذلک افراد عسکریهیه تعلقی اولان مواد عدلیهك معاملات تبلیغسنده اترام سرعت اولمسی ایچون ایکنجی اردو قوماندانلغه ۷ نومرولی تذکره ايله مراجعته لزوم کورولدی . ۵ — ادرنه مرکز تفتیشاتی ختام بولدقدنصرکه جسر مصطفی پاشایه کیدلدی . اورانك دوائر عدلیهسیله حبسخانه وتوقیفخانهسی . اوراق مخزنی وامانت اوطهسی تفتیش اولنهرق منظور اولان نقایصك ازالهسی ایچون مأمورین عائدسینه ارائه طریق ایدلدی . ۶ — کرک ادرنده وکرک جسر مصطفی پاشاده کافه مأمورین ومستخدمین عدلیهك قابلیت شخصیه ورسمیهلری و اوصاف اخلاقیهلری حقندهکی استطلاعات ومشاهدات اولیه حصوصی بردفتره قید ایدلدیکی کبی هر دائرهك تفرعات نقایص وخطیئاتی ايله بولنره دائر واقع اولان اخطاراتده — بالاخره مدار تعقیب ومراقبه اولمق اوزره بشقهجه ضبط اولمشدر .

اثنای تفتیشده مصادف نظر اولوبده رفع واصلاحی نظارت جلیلهلرینك تشبثه متوقف بولنان نواقص اساسیه پی در پی عرض ایدیله جکدر . افندم حضرتلری .

انجمن عدلیه مقرانی

انجمن عدلیه دن اعطا اولنان ۹ تشرین ثانی سنه ۳۲۵ تاریخلی

قرارك صورتیدر :

تاجر متوفی اطناش حاجیبولونك صلیبه کریمهسی ایفکهنیانك باوصیتنامه وصی منصوبی اولان امانوئل راضوان افندی مزبورنك بانق عثمانیده لازم التسویه خصوصاتك تأمینی ضمننده مذکور بانقیه مراجعت

ایده جکندن بو خصوص ایچون اعلامات شرعیه اجرا مأمورلنی واسطهسیله بانق ادارهسنه تبلیغات ایفاسی لزومنه دائر روم نظریقلکندن بالتقدیم متسلسلاً انجمن عدلیهیه تودیع اولنان ۱۳ اغستوس سنه ۳۲۵ تاریخلی تقریر مطالعه اولندی .

اصول مخصوصهسی دائرهسنده تنظیم وتصدیق اولنان بوکی وکالتنامهلر، مقررات اخیره موجبنجه مرعی ومعتبر اولمسنه نظراً بانقیه مراجعت آرزوسنده بولناک وصینك اول وصیتنامه ايله طوغریدن طوغری بانقیه مراجعتی لازم کله جکدنک وشاید وصیتنامهك محتنده تردد وقبولندن امتناع ایدیلیرسه وصینك بانق علیهنده محکمهیه مراجعتده مختار بولندیغنك وبناء علیه بو یابده اجرا دائرهسنك توسطی ایجاب ایتیه جکدنک بطریقخانهیه اشعارینه متفقاً قرار ویرلدی .

انجمن عدلیه دن اعطا اولنان ۹ تشرین ثانی سنه ۳۲۵ تاریخلی

قرارك صورتیدر :

موسوی جماعتندن ایکن شرف اسلامی قبول ایدن بلاط ساکنلرندن اسرائیل سویایانك زوجة قدیمهسیله بینلرنده تگون ایدن نفقه وزوجیت دعواسنك خاخالخانهجه بدایه واستینافاً حکم وتصدیق ایدلدیکندن بحسب برقطه اعلام موجبنجه زوجهسنه اعطایه مجبور اولدینی نفقهك فیابعد دخی اعطا ایلمسی لزومنه دائر خاخاباشیلقدن بالتقدیم انجمن عدلیهیه حواله بیوریلان ۱۴ تشرین ثانی سنه ۳۲۵ تاریخلی تذکره قرائت اولندی .

نفقه حقنده مقدما خاخالخانهدن ویرلمش وحکمی قطعیت کسب ایتمش بر اعلام موجود ایسه اعلام مذکورك اهتدا زمانه دکن انفاذی لازم کلوب بعدالاهتدا مهتدی، مرقوم ايله زوجة مزبوره بیننده رابطه زوجیت قائم بولونمش اولسه بیله زوجنك حکم سابقدن استفاده ایده میوب علی الاصول محکمه شرعیهیه مراجعت ایتسی ایجاب ایله جکنه متفقاً قرار ویرلدی .

انجمن عدلیه دن ویریلان ۱۶ تشرین ثانی سنه ۳۲۵ تاریخلی

قرارك صورتیدر :

حلب ولایتی استیناف مدعی عمومیلکندن وارد اولوب انجمن عدلیهیه حواله بیوریلان ۲۳ تموز سنه ۳۲۵ تاریخلی تحریرات، ملفوفیه برابر مطالعه اولندی .

خلاصه مأللری : طه زاده فیضاه افندیك حاب اوقاف دائرهسی علیهنده منع تعرضه دائر استحصا ایدلدیکی اعلام شرعی، علی الاصول محکوم علیه اولان اوقاف ادارهسنه تبلیغ اولمش واعلام مذکور محکوم لیک

مراجعتی اوزرینه فتواخانه جلیله دن تصدیق بیورلمش ایسه ده اعلامات شرعیه نك تمیز و استینافی حقنده کی تعلیماتک ایکنجی ماده سی ایجابجه ؛ وقف علمینده صادر اولان اعلاماتک قبل التمیز اجرا اولنه میه جنی محرر اولمسنه و اعلام مذکور علیه تمیز دعوی واقع اولمادیغنی عندالتدقیق آکلاشلیمسنه مبنی صورت تنفیذنده تردد حاصل اولدیغنی بیانیه استیذان معامله بی حاوی اولدیغنی کورلدی .

لدى المذاکره : اعلام مذکورک تنفیذ حکمی ایچون محکوم علیه تمیز دعوی ایتمسنه انتظار اولمسی موافق عدالت اوله میه جنی حقنده امور حقوقیه مدیریت بهیه سنک واقع اولان مطالعه سی موافق نفس الامر اولدیغنه و سالف الذکر اعلام شرعینک اجراسنه تشبث اولندقدنه محکوم علیه اولان دائره اوقاف جانبندن تمیز دعوی اولدیغنی مبین علم و خبر ابرازی حالده حکم اعلامک تأخیر اجراسی جائز اوله بیله چکنه متفناً قرار ویرلدی .

انجمن عدلیه دن ۱۶ تشرین ثانی سنه ۳۲۵ تاریخیه ویریلان

قرارک صورتیدر :

بک اوغلی بدایت محکمه سی ریاست اولیسندن فی ۶ تشرین اول سنه ۳۲۵ تاریخیه نظارت جلیله لرینه بالتقدیم انجمن عدلیه حواله بیوریلان و خلاصه مالى ؛ دیونیسک مجروحیتیه سبیت ویردیکی بالمحاکه ثابت اولسندن طولای بر ماه حبسنه و سکنز یوز غروش مصارف جراحیه ایله درت یوز غروش ضرر و زیانک کندوسندن تحصیلنه با اعلام جزائی محکوم بولنان نیقولى ولد فرانجیدن حقوق شخصیه نك استحصالی ضمننده محکوم علیه اموال و اشیا سنک جزئی مشکی طرفندن طلب اولمسی اوزرینه معامله اجراییه توسل اولنه جنی صروده مرقومک قبل الحکم ویرمش اولدیغنی اون سکنز عثمانلی لیراسیله تخلیه سبیلی اجرا قلندقدن و بوندن آلتی یوز اوتوز طقوز غروشی کندوسنه اعاده ایدلکدن صکره وزنده موجود مبالغ ۵ مایس سنه ۳۲۳ تاریخنده سائر موجود وزنه ایله برلکده سرقت ایدلیکنه و اخیراً بک اوغلی جزا دائره سنجه مبلغ مذکورک اعاده سنه قرار ویرلمسی اوزرینه نقود مسروقدهن یوزده اوتوز بش بچنی مرقوم نیقولى یه اعاده ایدلمش ایسه ده مبالغ مودوعه نك محکمه وزنه سنندن سرقت اولمسی سبیلی تکرار مرقومدن اچیه تحصیل موافق معدلت اوله میه جغه بناءً مبلغ مزبورک تضمینی ایجاب ایدجه کی مطالعه سیله استیذان معامله بی حاوی بولنان مذکره بعدالقرائه ایجابی تأمل اولندقدنه ؛ تخلیه سبیل ایچون محکومک وزنه یه تودیع ایتمش اولدیغنی مبالغک یوزده اوتوز بش بچنی اعاده ایدلمش ایسه ده متباقیسی وزنده موجود ایکن سرقت اولمش و وزنده محفوظ بولنان بر اچیه نك سرقت اولمسنده مرقوم نیقولینک برکونه صنع و تقصیری اولمادقدن بشقه سی حکومت وزنه سننه تودیع اولنان بر اچیه نك ضیاعندن مودعک هیچ بوجهله متضرر

ایدلمسی جائز اوله میه جنی درکار بولمش اولدیغندن مبلغ مذکورک تضمین طریقیه مشکی یه نظارت جلیله لری وزنه سنندن اعطاسی لازم کله چکی نسیب ایدلمش ایسه ده اولوجهله معامله ایفاسی منوط رأى عالی نظارت پناهیلری بولمش اولدیغنه اتفاق آرا ایله قرار ویرلدی .

محکمہ تمیز مقرراتی

« برتاجرک اموالی آخره دور ایدلیکنی قانون تجارتک مواد مذیله سی موجبجه اوراق حوادثه اعلان ایتدیکی تقدیرده معامله دوریه قانوناً معتبر اوله میه جنی و مدیونک ابراز اولنان حجت شرعیه ده کی اقراری حجت قاصره اولوب بر سننک احکامی آتی امضا ایدنلر حقنده نافذ اوله جغه کوره مذکور حجتک خارج بولنان حاجزه قارشو برکونه حکم و تأثیری بولمادیغنی بیانیه اولبابده کی اعلام ابتدائیک نقضی حاوی محکمه تمیز حقوق دائره سنندن صادر اولان ۲۸ شوال سنه ۳۲۷ و ۲۰ تشرین اول سنه ۳۲۵ تاریخلی و ۸۴۶ نومرولی اعلامک صورتیدر :

غلطه ده بالق بازارنده اوتوز ایکی نومرولی دکانده ساکن صراف صوتیری یورکیادی ایله بک اوغلنده یکیشهر جاده سننده اوتوز ایکی نومرولی دکانده مقیم بقال نیقولى ققاجالی بیننده متکون دعوایه دائر ایکنجی تجارت محکمه سنندن فی ۲۰ حزیران سنه ۳۲۵ تاریخلی وایکیوز آلتش سکنز عددی ایله ویریلان اعلام مدت قانونیه سی ظرفنده مرقوم صراف صوتیری طرفندن تمیز اولمغه اعلام مذکور طرفینک اعتراض و جواب لایحه لریله برابر بالمطالعه تدقیقات تمیزیه اجراسنه ابدار اولندی .

اعلام مذکورک خلاصه مالى : مرقوم نیقولى ققاجالی مذکور اوتوز ایکی نومرولی دکانده بولنان اموالی لفت نام شخصدن دوراً صانون آلمش و دکان مذکورک مصدق قونطوراتوسی دخی کندو نامه محرر بولمش اولدیغنی حالده مزبور صراف صوتیری طرفندن برقطعه اعلام موجبجه دیمتری جالی نام کسه ذمتنده محکوم به آله جنی اولان معلوم المقدار مبلغک تأمین استیفاسی ضمننده مذکور دکان دروننده کی اموالک مدیونی مرقوم دیمتری جالینک اولدیغنی ظنیله محکمه تجارت اجرا دائره سنجه جز ایدله چکی صروده مأمورین اجراییه یکر می بش لیرا تسلیم ایدرک بوصورتله جز واقع تأخیر ایدلمش اولدیغندن بحثه مرقوم صوتیرینک جالبی و مال مشتراسی اوزرینه وقوعولان مداخله سنک منعیله کندوسنک دیپوزیتو ایتمش اولدیغنی یکر می بش عدد عثمانلی لیراسنک مع فائض طرفنه اعاده سنک اجرای موقته تحت حکمه آلتسنی طلب و دعوی و بر قطعه حجت شرعیه ایله برقطعه قونطوراتو ورقه سی ابراز واعطا ایتسنه قارشو مدعی علیه صوتیری ؛ مرقوم

ديمتري جالى كرك كندوسنه وكرك ديكر اشخاصه مديون بولنسندين ناشى مذكور دكانده موجود اموالى كتم ايتك مقصديله مزبور لفته و اودخى مرقوم ديمتريك قاش پدى بولنسان مرقوم نيغولى ققاجالىيه مواضعه دور ايلدكلىنى وبويولده اموال تجاريه سنى آخره دور وفروخت ايدن تاجرك بونى اوراق حوالده اعلان ايتسى قانون تجارتك اخيراً علاوه ايديان مواد مذيله سى اقتضاسندن اولدينى حالده اموال مذكوره نك دور وفروختى كيفيتى اعلان ايدلامش و على الخصوص مبرز بيع و شرايى ناطق حجت شرعيه دخى كندوسنك مديونى ديمتري جالى عليه اقامه ايلديكى دعوان صكره تنظيم ايدلمش وشو حالده بيع واقعت قانوناً كان لم يكن حكمنده بولنمش اولدينى جهته مدعينك مذكور حجت مستند اولان ادعاسنك ردى مدافعه تدار ايتسى اوزرينه جريان ايدن محاكمه و تدقيقات تيجه سنده مذكور دكانده اولان اموالى مرقوم صوتيرى يوركيدى مزبور ديمتريده اولان آله جغندن دولاي اجرا معرفتيله تحت حجزه آلديرمش ايسه ده مذكور دكانده موجود امتعه واشيانك مدعى مرقوم نيغولى ققاجالينك مالى اولدينى مبرز حجت شرعيه ايجار سنديله تحقق ايلديكنه بناءً مذكور مغازه ده موجود اولوب حجز ايدلامسى ايجون مرقوم نيغولى به اضافله محكمه تجارت اجرا دائره سنه توديع اولنان يكرمى بش ليرانك مدعى مرقوم نيغولى به اعاده سنه وفائض طلبنك ردينه دائر ويريلان اعلامك عندالتميز اسباب قانونيه مبنى نقضيله محكمه مذكوره به اعاده قلمسى اوزرينه بتكرار جريان ايدن محاكمه و تدقيقات تيجه سنده برمنوال محرر مواضعه حقنده كى دفع دعواسنى مدعى عليه اثبات ايدمديكى كى بوبابده مدعى به يمين دخى تكليف ايتاماسيله دفع مذكور بطلانى تحقق ايلديكنه ومدعينك مواجهه خصمه استظهاراً امر تخلفي اجرا قلمش اولسنه بناءً مرقوم صراف صوتيرينك بوبابده كى ادعاسنك رديله محكمه تجارت اجرا وزنه سنه توديع ايلديكى آكلاشيان يكرمى بش ليرانك مدعى مرقوم نيغولى ققاجالى به رد و اعاده سنه و مبلغ مزبور دن طولاي مدعينك طلب ودعوى ايلديكى فائض اساساً مدعى عليه كى ذمته ترتب ايتش بر اچنه نك فائضى اولمايوب مذكور حجز ماده سندن طولاي تضمينات قيلندن اولديغنه و رسماً پروتستو كشيده ايدلمدكه بومثللو تضميناتك لازم كليه چكى اصول محاكمه حقوقيه قانوننك يوز آلتنجى ماده سى حكى ايجابندن بولنديغنه بناءً مدعينك اجرا دائره سى وزنه سنه توديع ايتش اولدينى يكرمى بش ليرادن طولاي فائض طلبى حقنده كى ادعاسنك دخى ردينه حكمنده و مستدعى تميزك اشبو حكم عليهنده لايحه سنده محرر اعتراضاتك خلاصه سى ؛ بوكى اموالك بين التجار دورى اول امرده قانون تجارتك ماده مذيله سى موجبجه يا غزته لرله اعلان و يا خود تجارت محكمه سنه معلومات اعطا ايدلك صورتيله اوله بيلوب بويولده اجرا اولنمان دور معامله سنك معتبر اوله ميه جنى كى حكمه سبب اتخاذ قلمان حجتك كندوسنه قارشو حكم و تأثيرى اوله ميه جنى و معامله واقعه كنديسى اضرار ايتك اوزره صرف مواضعه طريقيله اجرا ايدلمش اولمغه قانون نظرند حكى اولماديغى حالده محكمه به بورالرى نظر اعتباره آلتقسنزين بر منوال محرر قرار ويرلسى يولسز و مغاير قانون اولديغندن بحثله اعلامك نقضى و مدعى عليه كى لايحه سنده محرر تيجه جوابى

دخى اعتراضات مسروده نك واهى و بى اساس اولدينى بيانيله ردى و موافق اصول و قانون اولان اعلامك تصديقى استدعاسندن عبارت بولنمشدر .

ايجابى مذاكره اولندقدنه : اعلام مذكور مآلندن منفيهم اولدينى اوزره محكمه به برمنوال محرر حكم اولنمش ايسه ده مديون ديمتري اموال مذكوره يى آخره دور ايلديكى ماده مذيله موجبجه اوراق حوالده اعلان ايتديكى جهته معامله دوريه قانوناً معتبر اوله ميه جنى كى مبرز حجت شرعيه دخى مديونك اقرارينه مستند اولوب اقرار، حجت قاصره اولسنه و بر سندنك احكامى آنى امضا ايدنلر حقنده نافذ اوله جنى اصول محاكمه حقوقيه قانوننك ۷۵ نجى ماده سى ايجابندن بولنسنه كوره مذكور حجتك خارج بولنسان حجزه قارشو بر كونا حكم و تأثيرى اوله ميه جنى دركار اولدينى حالده حجت مذكوره به بناى حكم ايدلمسى يولسز و مغاير قانون ايدوكنه بناءً قانون مذكور ايكوز اوتوز ايكنجى و ايكوز قرق بشنجى ماده لرى موجبجه اعلام مذكور نقضيله كيفيتك يكدن اعلامه ربطى ضمننده محكمه مذكوره به اعاده سنه و زيرده مفردتى مرقم اولوب اوله مستدعى تميز صوتيرى طرفندن ايضا قلمان يوزاللى بش غروشه بوكره نيغولى طرفندن ويريلان ايكوز تيش آلتى غروشكه جمعاً اوجيوز اوتوز بر غروش مصارف تميزيه نك ايلروده حقسنر چيقه جق طرفه عائد اولسنه ۹ اغستوس سنه ۳۲۵ تاريخنده اكرتيله قرار ويرلدى .

« بر متوفانك حال حياتنده موقتاً حق محاكمه سنك سقوطنه دائر ويريلان اعلام غيايى عليهنده ورثه سى طرفندن اعطا قلمان اعتراض استدعاسى اوزرينه وقوع وفات ، اعتراض مدتى طرفنده اولدينى آكلاشيلور ايسه اعلامك تكرار ورثه تبليغ و اعلامك ورثه تبليغ مورثك تاريخ وفاته قدر كچن مدتدن باقى زمان ايجون ورثه حقنده مبدأ اعتراض اوله جغندن محكمه به بصورتله تدقيقات اجرا اينيله رك تيجه حاصله به كوره اعتراض استدعاسنك قبول ويا ردينه قرار ويرلمك لزومندن ذهول اولنسى نقضى مستلزمدر . »

محكمه تميز حقوق دائره سندن صادر اولان ۲۳ شوال سنه ۳۲۷ و ۲۵ تشرين اول سنه ۳۲۵ تاريخلى و ۸۹۰ نومرولى اعلامك صورتيدر :

بيروتده مقيم متوفى حاجى حسن حساش ورثه سندن زوجه سى و صغيره قيزى اسمانك و صيسى هند و يالفه قزلى هاجر و هند و ساره و بنجيه خاتونلر ايله ينه بيروتده مقيمون ساكر اغا اوغللرى محى الدين و محمد و ابراهيم الجيس قزلى حنيفه و نفيسه و هند خاتونلر بينلرند متكون دعوايه دائر بيروت استئناف محكمه سندن ۲۴ مارت سنه ۳۲۵ تاريخى و بش عدليه ويريلان اعلام ، صبى مزبوره و قزلى طرفندن تميز اولمغه باش مدعى عمومليك مأموريت عليه سنك مطالعه نامه سى آلتدقدن صكره اعلام مذكور ، طرفينك اعتراض و جواب لايحه لريله بالمطالعه تدقيقات تميزيه اجرا سنه ابتدار اولندى .

اعلام مذکورك خلاصه مندرجاتى : متوفى مرقوم حاجى حسن حساش ايله مرقوم محى الدين ورفقاسى يئيلرنده متحدث بيروك فاختوره محله سنده طويله زقاغنده عقارات معلومه دعواسندن طولايى جريان ايدن محاكمه نتيجه سنده مرقوم حاجى حسن حساشك حال حياتنده عقارات منازع فيهانك يكرمى درت قيراط اعتباريله اوچ قيراط و اوچ خمسى حقنده كى معارضه سندن منعه دائر بيروت بدايت محكمه سندن ويريلاى اعلام غيايى عليهنده مرقوم حاجى حسن حساش طرفندن استيناف دعوى اولمش ايسده تعيين قلنان كونده دعوت واقعه اجابت ايتامش اولمسنه بناء حق محاكمه موقناً سقوطنه دائر ويريلاى اعلام غيايى عليهنده مرقوم حاجى حسن حساشك وفايى وقوعه مبنى ورثه طرفندن مدتى ظرفنده اعتراض اولمش اولدينى حالده آلتى ماهى متجاوز اعتراض دعوا رينى تعقيب ايتدكارى جهته اصول محاكمه حقوقيه قانونك يوز طقسان دردنجي ماده سى موجبجه استيناف دعواسنك سقوطنه دائر ويريلاى اعلامك تميزاً بالتدقيق ورثه مرقومه مياننده صغير بولمسنه كوره اثنائى محاكمه مدعى عمومىك حضورى لازمكلوركن بوندن ذهول ايدلمسنى قانونه مغايرتندن طولايى نقض واعاده قلمسى اوزرينه محكمه استينافيه جه مدعى عمومى حضوريله بتكرار جريان ايدن محاكمه و تدقيقات نتيجه سنده مستأنفلك صوك مراجعتلى اولان ٢٨ ايلول سنه ٣٢٢ تاريخندن اعتباراً مستأنف عليهم طرفلندن حق استينافك سقوطى طلبى تاريخى اولان ٤ نيسان سنه ٣٢٣ تاريخنه قدر آلتى ماهى متجاوز بر مدتك مرور ايتديكى آكلاشلمش اولديغندن استيناف استدعاسنك اسقاطنه دائر ويريلاى اعلامك دخى تميزاً بالتدقيق اسباب موجبيه بناء نقض واعاده قلمسى اوزرينه بتكرار جريان ايدن محاكمه و تدقيقات استينافيه نتيجه سنده مستأنفك حق محاكمه اسقاطنه دائر ويريلاى فى ١٢ تموز سنه ٣٢١ تاريخلى اعلام ٩ تشرين ثانى سنه ٣٢١ تاريخنده متوفى حسن حساشه تبليغ اولنديغى مبرز علم و خبر مآلندن آكلاشلمش اولديغى كى ورثه سى طرفندن اعطا قلنان اعتراض عرضالى دخى ٨ حزيران سنه ٣٢٢ تاريخنده اعطا وقيدى اجرا قلمسنه نظراً مذكور استدعا مدت اعتراضك مرورندن بش ماه صكره اعطا قلنديغى نمايان اولديغندن اصول محاكمه حقوقيه قانونك يوز اللى اوچنجى ماده سى موجبجه اعتراض استدعاسنك ردينه حكمدن و مستدعى تميزلك اشبو حكم عليهنده لايحه لرنده محرر اعتراضلى متوفى حاجى حسنك تاريخ وفايى تدقيق ايدلمكسز مدت اعتراض مرور ايتديكنه ذهاب اولنه رق رد استدعايه قرار و يرلمسى مغاير قانون اولديغندن بختله اعلامك نقضى ولايحه جوابيه مؤداسى دخى موافق قانون اولان اعلامك تصديق طلبندن وائف البيان مطالعه نامه مالى دخى لايحه تميزيه ده درميان اولنان اعتراضاتك وارد كوريله مديكى بيانندن عبارتدر .

الحاجى مذا كره اولندقد : اعلام مذكور مآلندن منضم اولديغى اوزره مذكور اعتراض استدعاسنك مدتك مرورندن صكره و يرليكنندن طولايى ردينه قرار و يريله بيلمك ايچون اول امرده مورث متوفايه اول اعلامك تبليغ اولنديغى تاريخ ايله وفايى تاريخى تدقيق ايديله رك وفاتك وقوعى ، اعتراض مدتى ظرفنده اولديغى آكلاشيلور ايسه تكرار اعلام ورثيه تبليغ ايديله رك اعلامك ورثيه تاريخ تبليغى مورثك تاريخ

وفاتنه قدر كچن مدتدن باقى زمان ايچون ورثه حقنده مبدأ اعتراض اوله جغندن محكمه جه بوضورتله تدقيق و حساب ايديله رك نتيجه حاصله كوره اعتراض استدعاسنك قبول يا ردينه قرار و يرلمك لازم كلور ايكن بويولده حساب ايدلمسى يولسز و مغاير قانون اولديغندن اصول محاكمه حقوقيه قانونك ايكيوز اونوز ايكنجى وايكيوز قرق برنجى ماده لرى موجبجه اعلام مذكورك نقصيله قانون مذكورك ايكيوز قرق دردنجي ماده سنى ققره اوليسى حكمنه توفيقاً كيفيتك تكرار بالرؤيه اعلامه ربطى ضمننده محكمه مذكوريه اعاده سنده وزير ده مفرداتى مرقم اولوب اولجه مستدعى تميزلى طرفندن ويريلاى اوچيوز اونوز طبقوز بچق غروشه جمعاً يديوز يكرمى سكرى غروش مصارف تميزيه نك ايلروده حقسز چيقه جق طرفه عائد اولمسنه ٢٠ اغستوس سنه ٣٢٥ تاريخنده متفقاً قرار و يرلدى .

محاكم نظاميه دن صادر اولان اعلاماتك مافوق محكمه سنجه تدقيق تبليغ قانونيه تابع اولديغى و قابل استيناف اولان اعلامدن طولايى محكمه استينافه مراجعت ايدلمكسز تميز دعوايه قيام ايدلمك غير جائز بولنديغى بيانيله اولبايده كى تميز استدعاسنك ردينى حاوى محكمه تميز حقوق دائر سندن صادر اولان ٣ شوال سنه ٣٢٧ و ٣٠ تشرين اول سنه ٣٢٥ تاريخلى و ٩٤٢ نومرولى اعلامك صورتيدر :

نفس پيلمار قضاسنده مقيم ديمترى حاجى واسيل ايله قضاي مذكور اهالي سندن و تبعه يونانيه دن الكئو مناقسه يئنده متحدث دعوايه دائر قضاء مذكور بدايت محكمه سندن تجارت صفقى ، ٢٢ كانون ثانى سنه ٣٢٣ تاريخى و اونوز سكرى عددى ايله ويريلاى اعلامك تميزينى مستدعى مرقوم حاجى واسيل طرفندن اعطا قلنان عرضحال اوزرينه اولبايده كى اوراق لى التدقيق : اعلام مذكورك اصول محاكمه حقوقيه قانونك يوز اونوز التنجى ماده سنده بيان اولنان احكام خلافنده خرجى مستدعى مذبور طرفندن و يريله رك اخذ واستحصال ايدليكى آكلاشلمسنه و حالبوكه محاكم نظاميه دن صادر اولان اعلاماتك مافوق محكمه سنجه تدقيق احكام قانونيه دائر سنده تبليغ قانونى ايله معين مدت قانونيه تابع اولوب تبليغ قانونى اولمده مدت قانونيه جريان ايتمه جكى طبيعى اولمسنه و اعلام مذكورك نتيجه حكمتى ؛ مرور زمانه بناء دعوانك عدم استماعندن عبارت بولمسنيله قابل استيناف اولوب قانون مذكورك ايكيوز اون يدينجى ماده سى موجبجه مستدعى مزبورك محكمه استينافه مراجعت ايتمكسز اعلام مذكور عليهنده شمدیدن تميز دعوايه قيام ايتمى غير جائز بولنديغنه بناء سالف الذكر تميز عرضحالك ردينه وزير ده مفرداتى مرقم اولوب بوكره ديمترى حاجى واسيل طرفندن ويريلاى يوز التمش ايكي غروش مصارف تميزيه نك مستدعى مرقومه عائد اولمسنه ١٤ اغستوس سنه ٣٢٤ تاريخنده متفقاً قرار و يرلدى .

« حقوق عمومی بی تولید ایدن حقوق شخصییه دعواسی حقنده کی مرور زمان استدعاسندن طولای قوانین عمومی احکامنه توقیق معامله اولنمی نقضی مستلزم در »

هیئت عمومی دن صادر اولان ۱۹ تشرین ثانی سنه ۳۲۵ تاریخلی و ۱۶۲۷ نومرولی قرارک صورتیدر.

امیتی سوء استعمال واختلاس ماده لرندن طولای مظنون اولان امنیت صندوقی مخمن اسبقی مهران افندی حقنده کی حقوق عمومی وشخصیه دعوا لری نیک مرور زمانله سقوطنه دائر در سعادت استیناف محکمه سی جنبه دائر مسندن ایکنجی دفعه اوله رق تنظیم ایدیلوب مذکور صندوق وکیلی جانبندن تمیزاً تدقیق استدعا قلنان ۲۹ تشرین اول سنه ۳۲۵ تاریخ وقرق الی نومرولی اعلام استینافی محکمه تمیزک هیئت عمومی سنده لدی الدقیق ؛ اعلام مذکورک اصراری متضمن اولدیغی اتفاقله تحت قراره الندقدن صکره اساس ماده نیک تدقیق ومذاکره سنه ابتدار اولندقدن: اصول محاکمات جزائییه قانوننک استناد ایدیلان در تیوز سکسان ایکنجی ماده سنده حقوق عمومی دعواسیله برلکده سقوط ایده جکی کوستریلان حقوق شخصییه مصارف جراحیه وتضمینات کی حقوق عمومی افعالندن تولد ایتش حق شخصیلره منحصر وصندوق وکیلی جانبندن ارانلمقدن اولان تضمینات ایسه حقوق عمومی بی تولید ایدن حقوق شخصییه جمله سنندن بولنش اولمی اعتباریله بوبابده قوانین عمومی احکامنک جریانی لازم کله جکنه دائر اولان محکمه تمیز استدعا دائر مسنک نقض سابقی مصیب وموافق قانون ایدوکنندن بو دائره ده ایفای معامله اولنق اوزره اعلام اخیر مذکورک دخی حقوق شخصییه جهتته متدائر فقره حکمییه سنک نقضنه اکثریتله قرار ویرلدی .

« شهودک صراحت قانونیهیه توفیقاً تخلیف ایدلامسندن ومداغه شاهدلری نیک شهاداتی حقنده اسباب موجب سر دیله بیان رأی ومطالعه اولنلامسندن ناشی نقض اولنان برجنایت اعلامی اوزرینه اصراری حاوی ویریلان اعلام اخیرک دخی نقض سابق دائر مسنده ایفای معامله ایدلامسندن طولای نقضی حاوی « محکمه تمیز هیئت عمومی سنندن صادر اولان ۶ ذی الحجه سنه ۳۲۷ و ۶ کانون اول سنه ۳۲۵ تاریخلی و ۵۱۹۷ نومرولی اعلامک صورتیدر :

آیدین ولایتی استیناف محکمه سی جزا دائر مسندن صادر اولان ۲۲ تشرین ثانی سنه ۳۲۳ تاریخلی اعلام ایله اوراق متفرعه سی باش مدعی عمومیلک مأموریت علیه سنندن ۲۵ مارت سنه ۳۲۴ تاریخلی و آلتی یوز قرن آلتی نومرولی تبلیغنامه ایله محکمه تمیز جزا دائر مسنه کوندرلش و عائدینی حسابیه هیئت عمومی جه لدی التدقیق اصراری محتوی اولدیغی متفقاً تحت قراره آلتش اولغله کافه اوراق دعوی مطالعه اولندی .

اعلام مذکورک خلاصه مالی: سیدیکوی ناحیه سنک پلاموط آرمه سی قریه سنندن قوجه سلیمانک خانه سی باصهرق اوکی اوغلی مصطفی وکلینی مریمی قتل و دیگر اوغلی حسنی جرح ایلدکری ادعاسیله جنایتله متهم

اولان بامینوندا ولد میخال ونیقولی ولد میخالک قانون جزانک یوز یتش دردنجی ماده سنه توفیقاً اون بشر سنه مدته کورکه قوللری نه دائر مقدما ویریلان اعلام تمیزاً لدی التدقیق ؛ شهودک ایکی یوز آلتش سکرنجی ماده قانونیه صراحتنه توفیقاً تخلیف لرندن ذهول ایدلمسندن ناشی نقض اوله رق اعاده قلنمیسی اوزرینه اخیراً جریان ایدن محاکمه نتیجه سننده حقوق عمومی شهودندن حسنک طرفینی طانیوب مانع شهادت حالی اولدیغندن آرتق اکسیک اولیه رق حقیقت حالی سوبلیه جکنه دائر تخلیفی بعدالاجرا استماع ایدلیکی کی دیگر شهودک دخی بروفق قانون تخلیف لری بالاجرا استماع اولندقلری ومتهملر حقنده حاصل اولان دلائله قارشو مدافعات مسروده شایان التفات اولدیغندن رد ایدلیکی قرار سابقده محرر اولسنه مبنی حکم سابقده اصرار ایدلیکنندن عبارتدر .

محکوملر طرفندن مشترکاً ویریلان تمیز لایحه سننده حقوق عمومی شاهدلری تعریفات قانونیه دائر مسنده استماع ایدلامش ومداغه شهودینک شهادتی رده اسباب موجه کوسترلامش اولدیغندن بحثله اعلام اخیر مذکورک دخی نقضی استدعا قلنمشدر .

تبلیغنامه ده دخی؛ نقص واقع اوزرینه اکل نواقص ایدلیرک حکم سابقده اصرار ایدلش ولایحه مندرجاتی بو طریقله بجا کورلش اولدیغندن اعلام اخیرک دخی نقضی طلب اولنمشدر . تدقیقات تمیزییه لدی الاجرا ؛ حقوق عمومی شاهدلری اصول محاکمات جزائییه قانوننک ایکی یوز آلتش سکرنجی ماده سی موجب جبه برکونه خوف وحشیت وغرض وخصومه مبنی آرتق اکسیک اولیه رق حقیقت حالی بیان ایده جکلرینه دائر تخلف واستماع قلنماش ومداغه شهودینک شهاداتی دخی اسباب موجب قانونیه بیانیله رد ایدلامش اولسنه مبنی نقض سابق دائر مسنده ایفای معامله ایدلک اوزره اصول محاکمه مذکورک اوچیوز اون دردنجی ماده سنه توفیقاً اعلام اخیر مذکورک دخی نقضیه اوراقک محله اعاده سنه وایکی یوز غروش اعلام جرجنک ایلروده حقسر چیقه جق طرفندن تحصیلنه ۱۱ تشرین اول سنه ۳۲۵ تاریخنده اکثریتله قرار ویرلدی .

« تضمیناته دائر اولان قرارک تمیزاً تدقیق استدعا یه مدعی عمومیلرک صلاحیتلری اولمادیغی ومظنون علیه جانبندن مدعی شخصی علیه اقامه اولنان تضمینات دعواسنک محکمه جزائییه جه رؤیتی لازم کله جکی بیانیله دعوی مذکورنک ردی حقنده کی اعلام استینافینک مظنون علیه طرفندن واقع اولان تمیز اوزرینه یالکسر تضمینات دعواسنک ردینه دائر اولان فقره حکمییه سنک نقضی حاوی محکمه تمیز استدعا دائر مسندن صادر اولان ۹ ذی الحجه سنه ۳۲۷ و ۹ کانون اول سنه ۳۲۵ تاریخلی و ۲۴۹۷ نومرولی اعلامک صورتیدر »

سلانیک ولایتی مرکز بدایت محکمه سی برنجی جزا دائر مسندن تنظیم واعطا و امر تفهیمی ۲ مارت سنه ۳۲۵ تاریخنده اجرا قلنمش اولان ۳ مارت سنه ۳۲۵ تاریخ وایکی نومرولی اعلام استینافینک

تميزاً تدقيق طلبی قوشان ناحیه سی مدیری علی عالی افندی ایله محکمه مذ کوره مدعی عمومی معاونکی جانبندن مدتی ظرفنده و شرائط قانونیه سنه موافق صورتده اعطا قلان ایکی قطعه استدعا نامه . اوراق متفرعه سیله برلکده باش مدعی عمومیلک مأموریت بهیه سندن باتبلیغنامه ۲۸ تشرین اول سنه ۳۲ تاریخنده محکمه تمیز استدعا دائره سنه تودیع ایدلکله لدی التدقیق ؛ اعلام مذ کورک تضمیناته متدائر اولان فقره حکمیه سنک تمیزاً تدقیق مدعی عمومیلک مقامندن طلب ایدلمش اولمسنه نظراً تضمینات دعوالری حقوق شخصیه بی متضمن اولمق اعتباریله مدعی عمومیلرک حقوق عمومیه نامنه تمیز دعوایه صلاحیت قانونیه لری اولوب اولمادیغی خصوصنده تساوی آرا حاصل اولمسنه مبنی کیفیتک تودیع اولندیغی محکمه تمیز هیئت عمومیه سنجه بالتدقیق ؛ محاکم نظامیه نک تشکیلاته دائر اولان قانونک التمش اوچنچی ماده سنده « اصول محاکمات جزائیه قانونک نشرینه قدر مدعی عمومیلرک وظائفی تعلیمات مخصوصه ایله تعیین اولنه جقدر » دیو محرر بولمش و اخیراً دخی قانون مذ کورک موقع اجرایه وضع ایدلمش اولمسنه نظراً مدعی عمومیلرک مواد جزائیه حائر اولدقلری حق تعقیب ایله مقررات واقعندن طولانی اعتراض واستیناف و تمیز کی طرق قانونیه مراجعت امرنده کی صلاحیتلری درجه سنی ذکر اولان، اصول محاکمات جزائیه قانونی تعیین و تحدید ایتکده اولوب بونده ایسه حقوق عمومیه دعواسیله برلکده محاکم جزائیه جه رؤیتی مجاز و اساساً تعقیباتی ادعا وقوعنه متوقف بولنان حقوق شخصیه دعواسنه متعلق اولمق اوزره محاکم جزائیه دن علیهنده ویریلان مقرراندن طولانی برکونا تشبثات قانونیه بولمیان حق شخصی صاحبک حکم واقعی قبول صورتی اراده ایدن شوسکوتنه قارشو حقوق عمومیه مأمورلرینک بوقیل مقررات جزائیه علیهنده اعتراض طریقله محکمه عائد سنده واستیناف و تمیز صورتلریله مافوقی محاکمه مراجعت حق و صلاحیتلری اولدیغی مبین بر قید و اشارت موجود اولدیغی کی تشکیلات محاکم قانونک موضوع بحث اولان تمش ایکنچی ماده سیله بوماده بی احتوا ایدن فصل مخصوصک مواد سائرهمسی علی الخصوص التمش بشنچی ماده سی مندرجات صریحه سندن استنباط اولندیغی وجهله مدعی عمومیلرک مواد حقوقیه ده مداخله لری ایجاب ایدن دعاوی حقنده حقوق محاکندن صادر اولان قرارلری سالف الذکر تمش ایکنچی ماده سی منطوقنجه علاقه داران استفاده ایدمماک اوزره استیناف و تمیز ایده جکلری کوسترلمش اولمسنه نظراً تشکیل محاکم قانونک مدعی عمومیلره بخش ایدیکی شو صلاحیت دخی محاکم حقوقیه دن صدور ایدن مقرراته منحصر ومدعی عمومیلرک محاکم حقوقیه مقرراتی حقنده حائر اولدقلری صلاحیت محدوده بی علی طریق القیاس محاکم جزائیه دن حقوق شخصیه دائر صادر اولان قرارلر حقنده استعمال ایده بیلملری دخی قواعد اساسیه مغایر بولندیغنه بناءً محکمه جزائیه دن ویریلان اعلام سالف البیانک حقوق شخصیه دن اولان تضمیناته عائد فقرهمسی حقنده محلی مدعی عمومیلکنندن واقع اولان تمیز استدعاسنک ردینه و اعلام مذ کورک جهات سائرهمسی تدقیق ایدلمک اوزره دائره اعاده سنه اکثریتله قرار ویرلمش اولمقندن ناشی اولوجهله تدقیقات تمیزیه اجراسنه ابتدار قلندی .

اعلام مذ کورک خلاصه مالی : ضرب و تحقیر و خلاف اصول توقیف اشخاص ماده لرندن طولانی مظنون علیه اولان مستدعی علی عالی افندی نک حرکات مثبت سندن طولانی قانون جزائک ایکی یوز اوچنچی ماده سی حکمیه توفیقاً و کلیچه ایله بند و ضرب اشخاص و اطاله لسان افعالنک اسباب مشدده دن عدیله یدی ماه وژاندارمه صادقده ضرب فعلندن طولانی قانون مذ کورک یوز لنینچی ماده سی موجبجه برهفته مدته حبسلرینه دائر صادر اولان حکم ابتدائی اعلامی ، مومی الیه علی عالی افندی ایله مدعی عمومیلک مقامندن استیناف اولنمی اوزرینه اعلام مذ کورک اسباب قانونیه دن طولانی فسخیله سبق ایدن محاکمه و تدقیقات استیناف نتیجه سنده ؛ مومی الیه عالی افندی نک ثابت اوله میان ضرب و تحقیر و توقیف اشخاص جهتلرندن برائته و فقط وظیفه مأموریتی سوء استعمال ایتسندن ناشی ذکر اولنان قانونک یوز ایکنچی ماده سنه توفیقاً رأیلق معاشنک قطعه و مدعیلرندن ادعا ایدیکی تضمینات دعواسنک رؤیتی وظیفه خارجنده اولدیغنه قرار ویرلیدیکی متضمندر .

عالی افندی نک تمیز استدعا نامه سنده کندوسنه عزو اولنان افعال مذ کورده دن عندالحاکمه برائته قرار ویرلمسنه مبنی بوبابده کی مصارف محاکمه نک مدعیلره تحمیل طلب واستدعا قلتمش اولدیغی حالده محکمه استینافیه جه تضمینات دعوالرینک محاکم جزائیه ده تدقیق و حکم اوله جغه دائر جنبه فصلنده صراحت اولمادیغندن بختله عائد اولدیغی محکمه مراجعتده مختار قالمق اوزره طلب واقعت ردینه قرار ویرلمسی مخالف قانون اولدیغنه دائر اعتراض سردیله اعلام استینافینک نقضی استدعا ایدلمش . تبلیغنامه ده دخی جرم واقع ۱۰ تموز سنه ۳۲ تاریخندن مقدم وقوع بولمسیله جرائم عادیه قانونک برنجی ماده سی موجبجه بوقیل جنبه موادی حقنده حکم قانونک اجراسی غیر جائز اولدیغندن علی عالی افندی نک تمیز استدعا نامه سنک محکومیه متعلق قسمی حقنده تدقیقات تمیزیه اجراسنه امکان قانونی و حقوق شخصیه جمله سندن اولان تضمینات دعوالرینه قارشو مدعی عمومیلرک تمیز دعوایه صلاحیت قانونیه لری بولنماش اولمغله بو جهاته متفرع استدعانامه سنک ردینه و اعلام تمیز بهک جنبه موادنده برائت ایدن مظنونلرک تضمینات دعوالرینک عین محکمه ده رؤیت ایدیله جکجه دائر صراحت قانونیه اولمادیغندن بختله تضمینات دعواسنک رؤیتی خارج از وظیفه اولدیغنه متعلق اولان فقرهمسنه کلنجه ، اصول محاکمات جزائیه قانونک یوز قرق طقوزنجی و یوز بشنچی و یوز طقسان دردنچی ماده لرندن مقصد ، مظنون حقنده کی معاملاتک فسخی و حکمک تعدیل و تغییریه مظنون ویا محکومه قارشو اولان معارضه نک منعی و تضمینات ادعالرینک تدقیق و رؤیتی تأمیندن عبارت اولوب منع معارضه ایسه اسناد اولنان فعلک کرک جنبه و کرک قباحت افعالنندن اولماسندن و کرک افعال ممنوعه دن اولوبده دلائل قانونیه نک عدم کفایتندن نشأت ایدنلره عام و شامل اولمسنه و چونکه اصول مذ کورک کرک مستنطق و هیئت اتهامیه و کرک محاکمه فصللرنده موجود اولان یوز یکریمی اوچ وایکی یوز اون بر وایکی یوز طقسان سکز وایکی یوز طقسان طقوزنجی ماده لرده اثر جرمک بولنماسی ویا دلائل

قانونیه نك فقدانی حالنده کی معاملات صراحةً بیان و توضیح ایدلمش اولمش و قباحت و جنبه فصللرنده ایسه فقدانی دلائل حالنده اولنه حق معامله دن آریجه بحث ایدلمش بولمشی دلائلیه انف الیایان یوز طقسان دردنجی ماده اصولیه نك هر ایکی جهتی جمع ایدلکی امور بدیهه دن اولوب دعوانك افعال ممنوعه دن اولماسندن طولانی محاکمه نك عدم مسئولیتله نتیجه لمشی حالنده تضمینات طلبی صلاحیتی مظنون علیهله بخش و تأمین ایدن احکام قانونیه دلائل و براهینك عدم کفایتندن ناشی ویریهلجک برأت قرارلری اوزرینه بو حق قانونیدن کندولرینک محرومیتی حقنده مواد قانونیه نك نه عباره سندن ونهده اشارت و دلائلندن معنی استخراجی غیر قابل اولدیغندن صرفنظر مواد عمومیه دن اولمق لازم کلان ایکی یوز طقسان ایکنجی ماده سی دخی بوبابده صراحت لازمه بی محتوی بولمسنه کوره محکمه مذکورنك درمیان اولنان تضمینات دعواسنی دخی اصولی دائره سنده رؤیت و تدقیق و بو جهته کوره قراره ربطی ایله مکلف ایکن مواد قانونیه یه یا کاش معنا ویرلمش اولمش مخالف قانون ایدوکی بیانیله اعلام مذکورک نقضی لزومی مرقم بولمشد.

ایجابی لیدی لدا کره : مظنون علیه علی عالی افندینک جزای نقدی ایله محکومیتنی مستلزم اولان فعلک ۱۰ تموز سنه ۳۳۴ تاریخندن مقدم وقوعی بالتدقیق اکلاشلمش و تاریخ مذکور دن اول ایقاع اولنان جنبه افعالنندن طولانی تعقیبات قانونیه اجرایی غیر جائز بولمخش اولمسنه نظراً محکومیت مذکورده حقنده تدقیقات تمیزیه اجراسنه محل اولمایوب انحق اصول محاکمات جزائی قانوننک یوز طقسان دردنجی ماده سی احکام صریحه سی ایجابجه محاکم استینافیه نك ادعا اولنان خصوصاتک نه جنبه ونهده قباحت نوعندن اولماسی ملابسسه سیله مقررات لاحقه بی تبدیل و تغییری حالنده اشخاص مظنونه حقنده کی معارضه بی منع و کندولرینک وقوعولان تضمینات دعوالرینی دخی رؤیت ایتمشی مقتضی اولمسنه و بنا برین دلائل ثبوتیه نك فقدانی تقدیرنده اتخاذ اولنان برأت قرارلری حقنده اول صورتله معامله ایفاسی طبیعی اولوب بو بابده بشقه جه صراحت قانونیه تحریرنه لزوم اولمادیگی کبی محکمه استینافیه نك ذهابی وجهله اتخاذ اولنان قرارک قابلیت تمیزیه و احتمالات تقضیه سی طلب اولنان تضمینات اداسنک رؤیتی امرنده محکمه نك صلاحیت قانونیه سی تبدیل و تحویل ایده میه جکی درکار بولمسنه نظراً مظنون مومی الیه جانبندن اقامه اولنان تضمینات دعواسنک ردینه قرار ویرلمشی اسباب محرریه بناءً یولسز و مغایر اصول و قانون اولوب لایحه تمیزیه محتویاتی بووجهله وارد و بجا کورولمش ایدوکنندن اصول مذکورک اوچوز اون دردنجی و اوچوز اون طقوزنجی ماده لری منظوقنجه اعلام استینافینک یالکز تضمینات طلبنه عائد فقره حکمیه سنک تقضیه احکام قانونیه دائره سنده ایفای معامله اولمق اوزره اوراق دعوانک محکمه مذکوریه اعاده سنه و ایکی یوز غروش اعلام خرجنک تعرفه و تعلیمات مخصوصه سنه توفیقاً ایلروده حقسنر چیه حق طرفدن استیفاسنه ۲۹ تشرین ثانی سنه ۳۳۵ تاریخنده متفقاً قرار ویرلیدی .

« اعلام ابتدائی علمنده عندالاستیناف درمیان اولنان اعتراضاتک عدم قبولی حالنده اسباب موجب بیانیله رد ایدلمش اولمش مستلزم نقضدر »

محکمه تمیز استدعا دائره سنک ۱۹ ذی الحجه سنه ۳۳۷ و ۱۹ کانون اول سنه ۳۳۵ تاریخلی و ۲۳۴۵ نومرولی اعلامی صورتیدر :

در سعادت استیناف محکمه سی جنبه دائره سندن تنظیم و اعطا و ۱۰ مارت سنه ۳۳۵ تاریخنده امر تفهیمی اجرا قلنان ۳ کانون اول سنه ۳۳۵ تاریخلی اعلامک تمیزاً تدقیق طلبی حاوی، یدی قلهده حاجی حمزه محله سنده مقیم حسام الدین افندی جانبندن معطی اسدعانه و اوراق متفرعه سی باش مدعی عومیلک مأموریت بهیه سنک ۱۴ کانون اول سنه ۳۳۵ تاریخلی تبلیغنامه سیله محکمه تمیز استدعا دائره سنه تودیع اولمش ولدی التدقیق مدت معینه قانونیه سی ظرفنده اعطا و شرائط لازمه سائرسی ایفا ایدلکی اکلاشیلان مذکور استدعانه نك ۱۰ تموز سنه ۳۳۴ تاریخندن مقدم وقوعولوب ۸ اغستوس سنه ۳۳۵ تاریخلی قانون مخصوص موجبنجه حقوق عمومیه نقطه سندن تعقیبات قانونیه اجرایی غیر جائز اولان سرقت و امنیتی سوء استعمال ماده لرندن دولانی تمذید جزایی متضمن بولنان اعلام مذکورک یالکز حقوق شخصی جهته متدائر اولان فقره حکمیه سی حقنده قبولی لازم کلش اولدیغندن جهت مذکوریه حصراً تدقیقات تمیزیه اجراسنه ابتدار قلندی .

اعلام مذکورک خلاصه مآلی : قوجه مصطفی پاشاده فیض الدین درکاهی شینخی عبدالواحد افندینک پدری متوفی شیخ نسیب افندینک اموال و اشیای متروکه و نقود موجوده سی اخذ و سرقت و امنیتی سوء استعمال ایدلکی شهادات و دلائل سائر تأییداتیه ثابت اولان متوفای مومی الیه ک برادری مستدعی حسام الدین افندینک قانون جزانک ایکی یوز اتوز التنجی ماده سی حکمه توفیقاً ایکی ماه حبسنه و صلحاً اعطاسنه موافقت ایدلکی یدی یور الی لیرانک ثمن اعتباریه بالغ اولدیگی التیبیک لیرانک دخی کندوسندن بالتحصیل مدعیه وربی اولان بیک بشیوز لیرانک دخی بشقه جه تحصیلیه عدلیه وزنه سنه تسلیمنه دائر بدایه ویریلان اعلام محکوم مومی الیه جانبندن استیناف ایدلمکله اولبابده جریان ایدن محاکمه و تدقیقات استینافیه نتیجه سنده اعتراضات واقعنک ردیه اصول و قانونه موافق و موجب فسخ نواقصدن عاری بولنان حکم ابتدائینک تصدیقه قرار ویرلیدکنی متضمندر .

لایحه تمیزیه ده ؛ کرک بدایه و کرک استینافاً درمیان ایدلکی مدافعاتک اسباب موجب بیانیله جرح و تعلیل واجوبه ردیه سی ارائه ایدلمکسزین رد ایدلکی کبی متوفی برادرینک زوجیه سیله یدی یوز لیرایه صلح اولدقلرینه دائر مزبورنک وکیل طرفندن وقوعولان بیاناتک مدار حکم اتخاذ اولمشی مغایر قانون اولدیغنه و احوال سائریه دائر اعتراضات سردیه اعلام استینافینک نقضی استدعا ایدلکی کبی تبلیغنامه ده دخی اسباب ثبوتیه جمله سندن اوله رق تعداد اولنان صلح ضبطنامه سنک جلب و تدقیق و شهودک هانکی قسم اخباراتی ثبوت جرم

امرند محكمه جه دليل اتخاذ ايدلديكنك قرار محلنده موضحاً ذكر و بيان ايدلامش اولمى وشهودك ذات وشهادتلى و جرمك صور ثبوتيهسى ومتفرعات ماده حقنده درميان اوليان طعن و تعريضاته قارشى فقره حكيمده اسباب موجب سرديله بيان زأى ايدليوب مسكوت عنه براغلمسى مستلزم فسوخ ايدوكى عندالاستيناف ناردقته آلتفسزين واستينافاً درميان اوليان احوال اوزرينده اسباب موجب بيان ايدلكسزين حكم ابتدائيك تصديقي جهته كيدلمسى مغاير قانون ايدوكندن بحثله اعلام مذكورك نقضى لزومى كوسرلمشدر .

ايجابى لاي المذاكره : مندرجات اعلامدن استنباط اولديغى اوزره حكم ابتدائى عليهنده دعواى استينافيه قيام ايدن حسام الدين افندى جانبندن معطى لايحه محتوياتيه عندالحا كه سرداولان اعتراضات، حكم ابتدائى مذكورك نقصانى تدقيقاته مبتنى اولديغندن ومغايرت قانونيه سندن باحث اولوب اعتراضات مذكورك عدم قبولى حالده اجوبه ردیه سنك بيان و اراءسى احكام صادره نك اسباب موجب استنادى لزومى مبن اولان اصول محاكمات جزائيه قانونك يوز اللى اوچنجى مادهسى احكامندن بولنش ايكن ذكر اولنان اعتراضات استينافيه نك يكان يكان جوابلى ويريوب مستلزم فسوخ اسبابدن اولديغى بيانيله حكم ابتدائيك تصديق ايدلمسى يولسر ومغاير اصول وقانون اولوب لايحه تميزيه محتوياتى بوسورتله وارد وبجا كورلديكندن اصول محاكمات جزائيه قانونك اوچيوز اون درديجى واوچيوز اون طقوزنجى مادهلى منظوقجه اعلام استينافيك تفضيله احكام قانونيه دائره سنده ايفاي معامله اولمق اوزره اوراق متعلقه سنك محكمه مذكوره به وشرايط تميزيه جمله سندن اوله برق تسليم وزنه ايدلمش اولان بش ليرانك دخى اصول مذكورك اوچيوز قرق اوچنجى مادهسى موجب مجنبه مستدعى حسام الدين افندى به اعاده سنه وايكى يوز غروش اعلام خرجك تعرفه و تعليمات مخصوصهسى احكامنه توفيقاً ايلروده حقسز چيقه جق طرفندن تحصيله ۱۵ كانون اول سنه ۳۲۵ تاريخنده متفقاً قرار ويرلدى .

« جنايته محكوم عليك فرارندن طولاي جريان ايدجك محاكمه و كيل مدافع بولنديرلماسى ومجرميت وتحديد جزا حقنده برقرارله اكتفا اولمى وقانون جزانك يدنجى ماده سنه توفيقاً تعيين جزا محل مجازاتدن فرار ايدنلر حقنده اولديغنك محكمه جه نظر دقته آلتامسى نقضى مستلزمدر »

محكمه تميز جزا دائره سندن صادر اولان ۲۲ ذى القعدة سنه ۳۲۷ و ۲۲ كانون اول سنه ۳۲۸ تاريخلى و ۵۰۳۵ نومرولى اعلامك صورتيدر :

برقتل ماده سندن طولاي اون بش سنه كورك جزاسنه محكوم ومحكوميتى محكمه تميزجه مصدق بولنان احمد بن حامدك مبتلا اولديغى خسته لغك تدويمى ضمننده ژاندارمه نقرينك تحت نظارتنده حبس خانه به

كير ايكن فرار ايله بالاخره در دست ايدلمسنة مبنى جريان ايدن محاكمسى نتيجه سنده قانون جزانك يدنجى ماده سنه توفيقاً محكوميت سابقه سنه بش سنه دها ضمنه دائر نابلس سنجانجى محكمهسى جزا دائره سندن ويريان ۴ تشرين اول سنه ۲۴ تاريخلى و درتيوز نومرولى اعلام ايله متفرعاتى باش مدعى عمومىك مأموريت عليه سندن ۱۵ تشرين اول سنه ۳۲۵ تاريخلى واوچيك سكر يوز درت نومرولى تبليغنامه ايله محكمه تميز جزا دائره سنه ارسال اولمقله كافه اوراق مطالعه قلندى .

تبليغنامه ده : محكمه قراريله جلب ايديلان حبس خانه مأمورى عادل افندى ايله ژاندارمه اسعد اونباشيدن اعدك امر تحليفى اجرا ايدلمشيكن عادل افنديك تحليف ايدلماسى اسبابنك درج قلنامسى ومحاكمه سنده وكيل مدافع بولنديرلمه رق حقوق مدافعه سنك تأمينه متعلق بو جهت همه دن ذهول وقوعى واصولاً فرارندن دولاي مجرميته قرار ويرلديكن صكره تعيين مجازاتنك دخى آيرى قراره ربطى لوازم قانونيه دن ايكن برقرارله اكتفا اولمى مخالف قانون اولديغندن بحثله اعلامك نقضى طلب اولمشدر . تدقيقات تميزيه اجرا اولندقده : تبليغنامه محتوياتى وارد اولديغى كى مرقومك فرارى حسبيله يدنجى ماده به توفيقاً تعيين اولنان جزا محل مجازاتدن فرار ايدنلر حقنده اولديغى حالده بو جهت ده نظر اعتباره آلتامش اولديغندن اصول محاكمات جزائيه قانونك ۳۱۴ نجى ماده سنه توفيقاً اعلام مذكورك نقضيله اوراقك محله اعاده سنه وايكوز غروش اعلام خرجك تحصيله ۲۰ تشرين اول سنه ۳۲۵ تاريخنده قرار ويرلدى .

« محاكمه ضبطنامه سنك وقتيله تنظيم اولنامسى وتحقيقات وتدقيقاتك نقصان براقلمسى نقضى مستلزمدر »

محكمه تميز جزا دائره سندن صادر اولان ۲۳ ذى الحجه سنه ۳۲۷ و ۲۳ كانون اول سنه ۳۲۵ تاريخلى و ۶۱۴۳ نومرولى اعلامك صورتيدر :

پوسته خانه به عائد چانطه دن اچيهى حاوى غروب سرقندن طولاي جنايته اتهام اولنان تكفور طاغلى احمد فائق افندى بن على و ادرميد واپورى اشجيسى ارزنجانلى قاپريل وقاروتى يوركينك اجرا قلنان محاكملى نتيجه سنده مرقوم احمد فائق افنديك قانون جزانك سكرسان ايكنجى ماده سنه توفيقاً بش سنه مدته قلعه بند ايدلمسنة وديكرلرينك برائنه دائر درسمادت جنايت محكمه سندن صادر اولوب ۲ تموز سنه ۳۲۵ تاريخنده تفهيم قلنان قرارى ناطق يوز قرق طقوز نومرولى اعلام ايله تفرعاتى باش مدعى عمومىك مأموريت عليه سندن ۲۵ تشرين ثانى سنه ۳۲۵ تاريخلى و درتيك طقوز يوز يتمش ايكي نومرولى تبليغنامه ايله محكمه تميز جزا دائره سنه ارسال اولمقله اوراق مذكوره مطالعه وقرائت اولندى .

مهم مرقوم طرفندن ويريلوب اوراق مياننده بولنان لايحه تميزيه ده : ادعا شاهدلى فعل سرقك، طرفندن وقوعى اشراب ايدر هيچ بركونا شهادتده بولمق قلرندن و اظهار حق شهادى اوله رق استماع ايديلان شهودك ايسه شاهد زور اولمقلى شهادت متباينه لرندن مستبان اولديغندن وسائر نقصانى تدقيقات وتحقيقاتدن

بجمله اعلامك نقضی استدعا قلمش و تبلیغنامه ده دخی صورت شهادت و ثبوت جرمه متعلق لایحه تمیزیده مندرج اعتراضات، تقدیره عائد مسائلدن اولدینی بیانیه حکم واقعک تصدیق طلب اولمشدر. حکم جنائی حقنده تدقیقات تمیزیه اجرا اولدقده: هر نقدر تبلیغنامه ده تصدیق طاب اولیورسده برنجی و ایکنجی و اوچنجی جلدلری متضمن ضبطنامه لر ایله مجرمیت و تعیین جزا قرارلرنده اعضادن طاهر افندیك امضاسی موجود اولیوب ضبطنامهك صوکنده کی شرحه نظراً مومی ایله طاهر افندیك قلعه سلطانیه ده مقیم بولندیغی جهتله امضا ایتدیریلهمدیکی و بناء علیه ضبطنامهك وقتیه تنظیم اولغیوب بالاخره تنظیم ایدلیدیکی اکلالمسینه واستماع ایدیلان ادعا شهودندن عزیز محمود افندی ایله حامل بکرك اصول محاکمات جزائیه قانونك ایکوز التمش سکننجی ماده سی موجبجه تحلیف ایدلماش اوللرینه و محکوم علیه احمد فائق افندیك لایحه تمیزیه سنك نقصانیء تدقیقاته عائد قسمی وارد و بجا کورلدیکنه بناءً اصول محاکمات جزائیه قانونك اوچیز اون دردنجی ماده سنه توفیقاً حکم مذکوک نقضیه اوراقلك محکمه سنه اعاده سنه وایکوز غروش اعلام خرجك تحصیلنه ۲۸ تشرین ثانی سنه ۲۳۵ تاریخنده قرار ویرلدی.



قیتیرگیلر

جريدة عدليه ك برنجی نسخهنده مندرج محکمه تمیزی حقوق دائره سنك ۷ تشرین اول سنه ۳۲۵ تاریخلی اعلامی حقنده بعض استیضاحاتی حاوی دعوی وکیللرندن اغوب بوشناقیان افندی طرفندن کوندریلان ورقهك موضوع بحثه تعلق ایدن فقراتی زیره درج اولمشدر:

«اعلام مذکور مندرجانه نظراً؛ مدعیلرك یدلرنده بولنان اراضی حقنده مدعی علیها قارشو اقامه اولنان منع مداخله دعواسی نتیجه سنده حق قرارلری ثابت اولدیغندن اراضی قانوننامه سنك التمش سکنر و اصول محاکمات التمش سکننجی و بیک سکنیز اون سکننجی ماده لرینه بناءً درجه اولیجه مدعی علیهاك منع مداخله سنه حکم اولغلله مراجعت واقعه اوزرینه محکمه تمیزی، حق قرار ادعاسی طابو تعلیماتك سکننجی ماده سنه بناءً اسباب تصرفدن برینه مستند اولمدقجه مسموع اولهمیه جفی و مدعی علیها خارج اولغلله مجلهك بیک یدی یوز الی یدنجی ماده سی موجبجه انك بنیه سنك ترجیحی لازم کله جکی بیانیه حکم ابتدائی بی نقض ایتدیکی اکلالمسینه در. حالوکه دعوی بدایه حکم اولمش ایکن تمیزیه کلمی قابل استیناف اولماسندنمی یوقسه مدت استینافك مرور ایتسندنمی ایلرو کلدیکی حقنده تمیزی اعلامنده برکونا قید و اشارت کورنمیکندن اکلالمسینه مامش ایسه ده بوندن صرف نظر مدعیلر ذی الید و مدعی علیها خارج ایکن مدعیلرك بویله منع مداخله دعواسی صحیح و مسموعه اوله بیلیرمی؟

اعلام مذکور تاریخنه نظراً یکی صدور ایتمش اولغلله طرفیندن بری و یاخود محکمه سی جابندن اعتراض و اصراره اوغرایوب اوغرامیه جفی هنوز مجهول ایسه ده محتوی بولندیغی حق قرار ماده سی محاکم عثمانیهك هر طرفنده موضوع بحث اولقده و محکمه لری اشغال ایتکده علی الخصوص اراضی متصرفلری و زراع عندنده مهم مسئله لردن برینی تشکیل ایلکمه اولدیغندن مسائل محرره یه اجوبه مؤخه اعطاسی»

محکمه تمیزی حقوق دائره سی رئیس حیدر افندی حضرتلری طرفندن ارسال بیوریلان ورقه جوابیه.

ذی الیدك خارج عاینه منع تعرض دعواسی

دعوی — برکسهك دیگر کسمنه دن حضور حاکمه حقنی طلب ایتکدر دیه تعریف و بو تعریفده کی حق تعبیری حق وجودی ایله حق عدمی یه تشمیل ایدلمشدر.

حق عدمی دفع تعرض دعواسیدر . شویله که بر کسه « فلان کسسه فلان شیده بکا بغیر حق تعرض ایدیور ، دفع تعرضی ایسترم » دیه اقامه دعوی ایلسه بو دعوی استماع اولنهرق معترض اولان مدعی علیه تعرض ایدیکی شیده حق اولدیغنی اثبات ایتدیکجه حاکم معترضی بغیر حق تعرضدن منع ایدر . و بو دعوی حق عدمی بی دعوی اولور . لکن قطع نزاع دعواسی مسموع دکدر شویله که بر کسه حضور حاکمه « فلان کسسه نك بنده برحق وار ایسه دعوی ایتسون والا برائتی اهاد ایلسون » دیسه بودعوی مسموع دکدر . یعنی او کسسه به برحق وار ایسه دعوی ایت دنیلمز . زیرا حق کنديسنکدر ایسترسه دعوی بالکلیه ترك و دیبرسه بوکون وارزو ایلسه بش سنه صکره دعوی ایدر . يوم معینه مدعی محکمه به کلمزه حق محاکمه نك موقتاً - قوطنه ومستأنف اجابت ایلمزسه استیناف استدعاسنك ومعترض « چونکه معترض دافع و بناء علیه مدعیدر » يوم معینه حاضر اولمازسه اعتراض استدعاسنك ردینه قرار ویرمك اصولنك وضع وتأسيسی قطع نزاع دعواسنك عدم مسموعیتی قاعده سنه مستنددر .

بوصورتده برکسه محکمه به بلر آجه فلان کسسه به اون التون بورجه وار ایدی . اندن بی ابرا ایتشدی یاخود انی کنديسنه تأدیه ایلمشیدم محکمه به دعوت ایدیلهرك سؤال ایدلسون انکار ایدر ایسه اثبات اثبات ایدیور . دیسه بودعوی استماع اولنهماز .

منع و دفع تعرض دعواسی اراضی امیریده دخی اقامه اولنهمیلور . شویله که مدعی بموضع یدمده بولنان فلان تارلایه شو مدعی علیه تعرض ایدیور منع ایدلسون . دیه ادعا ایتدکه مدعی علیه کندي تصرفنده بولندیغنی بیانیه تعرض ایتدکه اولدیغنی سویلرسه تصرفنی اصولی وجهله اثبات ایدنجه فها . والا دفع تعرضه قرار ویریلور . حق تصرف اوراق معتبره ایله ثابت اولینجه ، مجله نك ترجیح بینات مسائلنه توفیقاً حل مسئله ایدمك ایجاب ایدر .

اراضی امیریده حق قرار و مرور زمان

اراضی امیریده اسباب تصرف بشدر . تفرع ، تفوض ، انتقال ، مواتی احیا و حق قراردر . قانون اراضینك ۷۸ نجی ماده سنده بیان اولندیغنی اوزره برکسه اراضی امیری و موقوفه بی اون سنه بلا نزاع تصرف وزارت ایش اولور ایسه حق قراری ثابت اولور . بو ماده ده حق قرارك ثبوتی علی الاطلاق ذکر ایدلمش ایسه ده قانون اراضیدن ایکی سنه صکره نشر ایدلمش و اراده سنیه به اقترانی حسبیه نظام حکمنی آلمش ارلان طابو سنداتی حقندنمکی تعلیماتك سکزنجی بندنده ثبوت حق قرار انتقال یا تفرع یا تفوض جهتلرندن برینه استناد ایدمکه اوله بیه چکی بیان و اولوجهله اطلاق مذکور بو تعلیمات ایله تقید ایدلمشدر . مطلقك اطلاق اوزره جاری اولسی ، دلیل تقید بولنهامسی ایله مشروطدر . صراحة

یا دلالة دلیل تقیدموجود اولنجه مطلق اطلاقدن چیقاریلهرق مقید استعمال ایدلمسی ایجاب ایدر . بومسئله حقندنه انجمن عدلیه و شورای دولتیجه اتخاذ اولنان قرار تنویر فکره خادم اولور مطالعه سیله بوجه آتی درج اولنور :

صورت قرار

حق قرار ادعاسنده بولنان کسسه نك دعواسی شایان قبول اوله بیلمك ایچون بالاده ایضاح اولندیغنی اوزره طابو تعلیماتك سالف الذکر بندینه توفیق حرکت ایتسی لازم ایسه ده مرور زمان خصوصی ، قانون اراضینك دیگر ماده سنده علی الاطلاق مذکور اولمغه بونده جهات مذکورده دن برینه استناد ایدمك مرور زمان ادعاسنك صحتنده شرط دکدر .

برقاج قرنداشه مشاعاً انتقال ایدن اراضینك یالکیز بریسی طرفندن زراعت اولنهمسئله آنك اوزرنده حق قرار ثابت اولیوب صورت تقسیمده اختلاف حاصل اولورسه بو جهت ایچون محکمه به مراجعت ایدلمسی حقندنه شورای دولت تنظیمات دائر مسنك قرارنی مبلغ تسطیر بیوریلان تذکره سامیه به جواباً عدلیه نظارت جلیله سنك شورای دولته حواله بیوریلان تذکره سنده اراضی قانوننامه هایوننك بو خصوصه تفرع ایدن احکامنك نه دن طولانی بوقید استثنائی ایله تغییرینه محل کوریلهمدیکی تفصیلاتی و بویولده برقاعده اتخاذینك قبولی جهته کیدلدیکی تقدیرده قانون مزبورك احکام عمومیه سی اعتباریه کیفيتك بالتدقیق محاکمه مدار حکم اتخاذ ایدمك اوزره بر ماده مذله شکله افرایله مرعیت احکامی خصوصه اراده سنیه جناب پادشاهی استحصالی مقتضی بولندیغنی متضمن انجمن عدلیه دن اعطا قلنان مذکره نك تقدیم قلندیغندن بحثله اقتضاسنك تعیینی لزومی درمیان اولنمشدر .

ذکر اولنان مذکرده ؛ سعرد اهالیسنندن متوفی مولود افندیك اوچ نفر مخدومیه ایکی نفر کریمه سنه علی وجه الاشتراك معامله انتقاليه سی اجرا وسنداتی اعطا قلنمش اولان اراضی بی یکریمی سنه دنبری زراعت و حرث ایدن اکبر اولادینك بوکره حق قرار ادعاسیله ضبطه قیام ایتسنندن و بین العائله مشترک اولا بوقیل اراضی بی مستأجر و یا مستعیر صفتلرندن برینه استناداً وضع ید ایتسی طبیعی بولنان احد شرکانك بالاخره درمیان ایده چکی حق قراردن طولانی اتخاذی لازم کلن معامله به دائر اراضی قانوننامه هایوننده صراحت کافیه بولنماسندن ناشی مأمورین عائده سنجه حاصل اولان تردد اوزرینه برقاج قرنداشه مشاعاً انتقال ایدن اراضینك یالکیز بریسی طرفندن زراعت اولنهمسئله آنك اوزرنده حق قرار ثابت اولیوب صورت تقسیمده اختلاف حاصل اولور ایسه بو جهت ایچون محکمه به مراجعت ایدلمسی تنظیمات دائر مسندن بامضبطه افاده قلنمش و مضبطه مذکورده مندرجاتی سالف الیابن اراضی قانوننامه هایوننك حق قراره متدائر اولان

یتش سکنجی ماده سی احکامک احوال ممالکده عدم جریانی لزومندن باحث اولسنه و ذات مسئلنک طولانیسنه مرور زمانه تعلق بولنسنه بناءً بوبابده ایضاحاته لزوم کورنمش اولوب شویله که: قانون مزبورک یکرهنجی و یتش سکنجی ماده لرنده کوسترلدیکی اوزره اون سنه مدت بلا نزاع تصرف اولنان طابولی اراضیه متعلق دعاوینک عدم استماعی و کذلک اراضی امیرییه و موقوفه بی اون سنه مدت بلا نزاع زراعت و حراست ایدن کیمسنه اول اراضیده حق قرارینک ثبوتی کیفیاتی مدعی طرفنک مدت سفر بعید و صغر کبی اعذار شرعیهدن برینه مستند اولقسزین دعواسنی ترک ایلش و حق قرار و مرور زمان جهتلرندن ادعای تصرف ایدن ذی الیدک دخی موضوع بحث اولان اراضی بی فضولاً و بغير حق ضبط وزراعت ایلدیکی بولنده و یا مستأجر و مستعیر صفتلرندن برینه استناداً استعمال ایتدیکنی تضمن ایدر صورتده بر اقرار و اعترافی سبق ایتمانس و علی الخصوص حق قراره متعلق دعاویده سالف الذکر یتش سکنجی ماده بی تعدیلاً ۷ شعبان سنه ۱۲۷۶ تاریخده قلمه آلتوب با اراده سنیه جناب پادشاهی موقع اجرایه قوانین طابو تعلیماتنک سکنجی ماده سی منطوقیجه تصرف جهتنک انتقال و یا آخردن ترغ و یاخود مأمورندن تفوض صورتلرندن برینه استناد ایلش اولمسيله مشروط و مقید اولسندن ناشی ذی الید اولان شخصک دعاوی مذکورهنه مناقض و مباین اولهرق بوجه مشروح اعترافده بولندیغی و یاخود خصمی جانبندن اعذار مشروعه درمیان اولمغله برابر شو مدافعه سی علی الاصول موقع ثبوت ایصال ایلدیکی صورتده مرور زمانک مرتفع اولهجنی و حق قرارک دخی تحقق ایدهمیهجکی طبیعی و بالاجار تین تصرف اولنان مسقطات و قفیه ایله املاک صرفده اسباب تصرفدن معده اولیان حق قرار مسئلنک اراضی امیرییه ایله تخصیصات قیلندن اولان اراضی موقوفهده جمله اسباب تصرفدن عد و اعتبار ایدلمسی و بونلر حقندهکی مرور زمان مدتک دخی اون سنهیه تنزیل قلمنسی بو قبیل اراضی امیرییه و موقوفه نك زراعتدن معطل قلماسی مقصد اصلیسنه مبتنی اولسنه نظراً عهدسندده بولنان اراضی بی اعذار شرعیهدن بری موجود اولدیغی حالده اون سنه مدت استعمال ایتماش و ایجار و اعاره صورتیه دیکرینهده زراعت ایتدیرمه مش اولان و فی الاصل صاحب ارض جانبندن تعطیل زراعت ایتماک شرطیه تفوضنه مآذونیت و یریلان بر کیمسنه ار نیسی کرک حق قرارک ثبوتندن و کرک مرور زمان وقوعندن طولانی بو مدت ظرفنده زراعت و حراستله اعشار شرعیه سنی جانب میریه ایفا ایدن شخصه تفویض دخی اساس مقصدی تأمین کافی تدابیر قانونیهدن اولمسيله شو احکام عمومیه نك محافظه سی لزومی بدیهی بولنمش و متن مضبوطده بیان اولنان خصوصه کنجه: مورثلرندن ورثه عیدیه انتقال ایدن اراضیده تعلیمات مذکوره احکامنه توفیقاً جهت تصرفدن برینه استناد ایدلمکسزین مجرد یکرمی سنه بی متجاوز مدت بونلردن برینک اول اراضی بی زراعت ایلدیکنی بالیان حق قرار مسئلنسنه تمسک و استناد ایتسی شایان قبول و التفات اوله میهجنی مثلاً بوکی مدعیاتک محاکمه مراجعتله حکم و قراره ربط ایتدیرلمسی

امور لازمهدن اولهرق دفتر خاقانی مأمورلرینک بوبابدهکی وظیفه لری ایسه ورثیه مورثلرندن مشترکاً انتقال ایتشی و او یولده مقدما سنداتی تنظیم و اعطا قلمنمش اولان اراضینک تفویضنه دائر قیود رسمیهیه موافق بولنان طلب دائره سندده معامله لازمهنی ایفایه منحصر اولسندن ناشی محلی دفتر خاقانی مأمورینک احکام قانونیه و ایجابات وظیفیه توفیق حرکت ایتسی مقتضی کورنمش اولوب بناءً علی ذلک مورثلرندن مشاعاً انتقال ایدن اراضی بی ورثهدن برینک یالکز اون سنه مدت زراعت ایتش اولسی سر رشته سیله درمیان ایلدیکی حق قرار ادعاسنک اسباب مشروحه دن ناشی مسموع و ملتفت اوله میهجنی و اعذار شرعییه مبتنی اولان مرور زمانک دخی حائز تأثیر اولدیغی مطالعاتنه نظراً اراضی قانوننامه سندده بومسائله تفرع ایدن احکامک برقید استثنائی ایله تقیدینه محل کوریهلهمه مش ومع هذا شورای دولته بو یولده بر قاعده اتخاذینک قبولی جهته کیدلیدیکی تقدیرده قانون مزبورک احکام عمومیه سنه تعلق اعتباریه درکار اولان اهمیتنه بناءً ایشک هر جهتی نظر دفته آلهرق عندالحاکم مدار حکم اتخاذ ایدلمک واشتراك خصوصنک یالکز انتقاله حصر ایدلیوب تفرغ صورتیه و اسباب سائر ایله اشخاص متعدده بیننده مشترک اولان اراضیده دخی حق قرارک ثابت و بوکا قیاساً مرور زمان ادعاسنک مسموع اوله میهجنی فقراتی جامع اولق اوزره بوبابدهکی قرارک بر ماده مذیله شکلنه افرایله مرعیت احکامی خصوصه اراده سنیه جناب خلافتیناهی استحصالی مقتضی اولدیغی بیان قلمشدر .

واقعا اراضی امیرییه و موقوفهده حق قرارک ثبوتی کیفیاتی مدعی طرفنک مدت سفر بعید و صغر کبی اعذار شرعیهدن برینه مستند اولقسزین دعواسنی ترک ایلش و حق قرار مرور زمان جهتلرنده ادعای تصرف ایدن ذی الیدک اراضی مذکوریه بی فضولاً ضبط وزراعت ایلدیکی بولنده مستأجر و مستعیر صفتلرندن برینه استناداً استعمال ایتدیکنی تضمن ایدر بر قرار و اعترافی سبق ایتماش اولسنه و تصرف ادعاسنک طابو تعلیماتی منطوقیجه انتقال و یا آخره تفرغ و یاخود تفوض صورتلرندن برینه استناد ایلش بولنسنه متوقف بولندیغی حالده اسباب مذکورهدن برینه استناد ایدلمکسزین ورثهدن و یا شرکادن برینک اول اراضی بی مدت مدیده زراعت ایلدیکی سر رشته سیله درمیان ایلدیکی حق قرار و تصرف ادعاسنک حکمه احتیاجی درکار اولمسيله احکام قانونیه دائره سندده ایفای معامله لازمهدن بولدیغنک نظارت مشار الیهیه تبلیغی تذکر قلندی . « شورای دولت تنظیمات دائره سنک صورتی بالاده محرر مضبوطه سی موجبجه عدلیه نظارت جلیله سنجه اجرای ایجابی اولبایده شرفوارد اولان ۱۵ ذی الحجه سنه ۱۳۲۴ و ۱۶ کانون ثانی سنه ۱۳۲۲ تاریخی بیورلدی سامیده بیان و ازار اولنمش و او وجهله نظارت مشار الیهان مقتضاسی ایفا قلمشدر .



« اخطار : جریده عدلیه نك قسم غیر رسمیسندہ ارباب حقوق طرفندن مطالعات قانونیہ حیوانی مقالات ، محضاً متناسبین حقوقك توسیع معلوماتلرینه خدمت مقصدیلہ نشر اولمقده بولندیغی بیان اولنور »

تکرر جرم

احکام قانونیہ وقواعد نظریہ نقطه سندن اك مهم مسائل جزائیهدن معدود اولان تکرر جرمه حصر ایتدیكمز بو مقاله ده جزا قانونمك احكام صریحه سینه رغماً تکرر لك تعیین مجازاتنده تصادف اولنان بعض مشکلاتدن بحث ایتك ایترز .

معلوم اولدیغی اوزره جزا قانوننك سکنجی ماده سی حکمنجه : قانونك تعیین ایتدیگی احوال دن ماعدایرلر ده مکررلر حقنده جزا ایکی قات اوله رق حکم ایدلك وشو صراحتہ نظر اکر مکررلر حقنده جزا تعیین ایتدیگی احوال ده نه جزا تعیین اولمش ایسه او جزا حکم اولمق اقتضا ایدر . اشبو قاعده عمومیہ قانونیہیه نظر ابر مجرم مکررک ایکنجی دفعه ارتکاب ایتدیگی جرم حقنده بر جزا تعیین ایدہ بیلیمک ایچون اول با اول او جرمك فاعلی حقنده قانونده بر جزای مخصوص تعیین اولنوب اولمندیغی تدقیق اولنور : اکر قانون، مکرر حقنده بر جزا تعیین ایتامش ایسه سکنجی ماده حکمنجه ایکنجی جرمك قانوناً مستلزم اولدیغی جزا مکرر حقنده ایکی قات اوله رق حکم اولمق واکر ایکنجی جرمك مستلزم اولدیغی جزا صورت مخصوصده تعیین وتصریح ایدلمش ایسه همه حال او جزا حکم ایدلك صراحت قانونیہ اقتضاسندن اولدیغی حالده برنجی شقده ایکی قات اوله رق حکم اولمق لازمکلا تکرر جزاسنك تعیین مقدارنده اختلاف واردر : بعضیلره کوره قانونك تعیین ایتدیگی احوال ده مکررلر حقنده حکم اولنه جق جزا ، موقت ایسه هیچ بر صورتله مجازات موقتہ نك حد اعظمی تجاوز ایدمز . بعضیلره کوره ایسه جزای مذکور نه مقدار باله اولور ایسه اولسون حکم اولنه بیلیر . ایشته الیوم تکرر جرمك بادی اختلاف اولان جهتی بودر . اسکی محکمه تمیز هیئتک رای واجتهادی ؛ تکرر جرمك جزاسی ، مجازات موقتہ نك حد اعظمی تجاوز ایدمه چکی مرکزنده ایکن بوعاجزله برابر بعضلرک فکر نجه جزای مذکورک مجازات موقتہ نك حد اعظمی تجاوز ایتسندہ هیچ بر مانع قانونی یوقدر . شمدی بو ایکی رای برر برر تدقیق ایدم : محکمه تمیز هیئت سابقه سنك راینده بولانلر دیرلرکه : قانون جزاده مجازات موقتہ نك حد اعظمی متجاوز مقدارده بر جزای موقت بولمندیغندن و بناءً علیه قانونده بولمیان بر جزای حکم ایتك جائز اولمدیغی کبی قانونك محتاج تفسیر اولان موادی نی دائماً مجرمك لهنه تفسیر ایتك قواعد عمومیہ اقتضاسندن بولمندیغندن تکررلر دن طولانی تضعیف اولنه جق ایکنجی جرمك جزاسی هیچ بر وقت مجازات موقتہ نك حد اعظمی تجاوز ایدمز . مثلاً ایکنجی دفعه ارتکاب جرم ایدن مکررک فعلی ایکی ویا اوچ سنه حبس ویا خود اون ویا اون بش سنه

کورک جزالرندن برنجی مستلزم اولسه ده تکرر جزاسی حقده کی صراحتدن طولانی سکنجی مادهیه توفیقاً ایکی قات جزا حکم ایتك لازمکله ایکی سنه حبس درت و اوچ سنه حبس التی و اون سنه کورک یکریمی و اون بش سنه کورک اوتوز سنه حکم اولنه میوب هر حالده اك چوق اوچ سنه حبس ویا اون بش سنه کورک لازمکله . بورایك خلافتی ادعا ایدنلر ایسه بوکا جواباً دیرلرکه : کرچه قانونده مجازات موقتہ نك حد اعظملرندن فضله موقت مجازات کورلماکده ایسه ده سکنجی ماده نك حکمی مطلق و صریح اولمقده برابر قانون مکررلر ایکی قات جزادن ده حقیف جزا ویرمک ایستدیگی احالده ۷۵ و ۷۶ ماده لرده اولدیغی کبی صراحت مخصوصه ایله تعیین مجازات ایتش و بو صورتله او مثلاًو جرائمی مکرره اصحابی سکنجی ماده نك جزای شدیدندن قورتارمشدر .

قانونك مقصدی سکوت ایتکله سکنجی مادهیه تابع ایتدیگی دیگر مکررلر حقنده مطلق صورتده ایکی قات جزا حکم اولنماسی مرکزنده اولسه ییدی ماده مذکورده ده (قانونك تعیین ایتدیگی احوال ده مجازات موقتہ نك حد اعظمی تجاوز ایتامک اوزره جزا ایکی قات اوله رق حکم اولنور) یولنده برقید وضع ایدردی . حالبوکه قانون، او یولده برقید کوسترمکدن بشقه سکنجی ماده سی دخی پك صریح وقطعی اولدیغندن بو مطالعه غیر وارددر . مجازات موقتہ نك حد اعظملرندن فضله جزا حکم ایتك جائز اولمدیغی و بویله بر جزا حکم ایتك قانونده بولمیان بر جزا حکم ایتك اولدیغی ادعاسنه کلنجه : بوده واهیدر . چونکه قانون کرچه حبس جزای اصلینسی (۳۴) نجی ماده سنده اوچ سنه یه قدر کوسترمش ایسه ده قرقنجی ماده نك ایکنجی فقره سنده و (۲۰۵) نجی ماده نك صو ك فقره سنده (حبس) نامی ویردیگی جزانك حد اعظمی (۳۴) ماده ده کی حبسك حد اعظمه موافق اولسنی دوشنامشدر . واقعا قرقنجی ماده ده کی حبس (۲۴) نجی ماده ده مندرج حبس جزای اصلینسندن اولیوب صرف بر تربیه قانونیہ اولدیغی کبی (۲۰۵) نجی ماده ده کی (حبس) دخی ماهیتی لایقوله اکلایشله مامش اولان بونوع توقیفدن عبارت اولدیغی بیلیر . لکن متعرض متن قانون ایله اوینایوبده (حبس) جزاسنك (۳۴) نجی مادهیه استناداً اوچ سنه دن زیاده حکم اولنسی جائز اولمدیغی ادعا ایدنجه قانون نه مقصدله اولور ایسه اولسون (حبس) جزاسنی بشقه ماده لرنده اوچ سنه دن فضله بر مقدارده حکم ایدلمسنی تنسیب ایتدیکنی بز دخی ادعا ایتکله کسب صلاحیت ایتش اولورز . کذلک موقت کورک وقلعه بندلک جزالری نك حد اعظمی اون بش سنه یی تجاوز ایتدیکندن آندن زیاده جزا حکم ایتك جائز اولمدیغی ادعاسی دخی غیروارددر . چونکه قانون مؤبد کورک وقلعه بندلکی تجویز ایتشکن یکریمی ویا اوتوز سنه کورک ویا قلعه بندلک جزاسنك حکم اولنسنی منع ایتك خاطریه بیله کلامشدر . اکر قانون مجازات موقتہ نك حد اعظمی ماده مخصوصه ایله تعیین ایتش اولدیغندن آنك خارجنه چیقیله میه جفی ادعا اولنور ایسه بوکا جواباً دیرلرکه ینه اوقانون سکنجی ماده سنده مطلق صورتده ایکی قات جزانك حکم اولنسنی امر ایتکله استدلال ضمنییه مستند اولان ادعای مذکور صراحتاً رد ایتش دیمکدر .

تکرر جرمده جزا مجازات موقتہ تک حد اعظمی تجاوز ایتمک جائز اولدیغی ادعاسنده بولمان بعضلرک بر فکر ومطالعہ سی ده موضوع بحث اولیور . شویله که : اگر قانونک حد اعظمی تعیین و تحدید ایتدیکی مجازات موقتہ دن فضلہ جزا حکم اولنور ایسه او حالده تحت حکمه الہ حق جزانک نوع و درجہ سی دخی دکشمش اوله جغندن جرم ایله جزا بیننده مطلوب اولان نسبت عادلہ بولماز . یعنی بالفرض جنبہ درجہ سنده بولمان بر جرم جنایتدن معدود اولان بر جزا ایله جزا ایتدیگیله جقدرکه بو اصلا جائز اوله من . وهلة معقول کی کورینان بو ادعا براز تعمیق ایدیلنجہ غیر وارد اولدیغی اکلاشیلر : چونکہ بالفرض اوچ سنہ حبس تکرردن طولانی بالتضعیف الی سنہ ابلاغ ایدیلر سہ او جزا جنبہ لکدن چیقوب جنایت درجہ سنہ داخل اولور ؟

الی سنہ حبس جزاسی جنایتدر ؟ کذلک یکر می ویا اوتوز سنہ حکم اولنہ جق کورک جزاسی جنایت درجہ سندن چیقوب بشقه بر درجہ یه داخل اولور می ؟ قانونده مجازات ترہیبیہ دن کوسریلان کورک وقلعہ بندلک جزا لری موقت ویا مؤبد حکم اولنسون جنایت درجہ سندن چیقار می ؟ بناءً علیہ درجہ تبدل ایتینجہ نوع وماہیت جزا دخی دیکشمہ جکندن اعتراض مذکورک بتون بتون غیر وارد اولدیغی آشکاردر . ایضاحات مسرودہ یه مبنی قانون جزامن ، مکرر لرک مجازاتی حقندہ سکزنجی مادہ ده مطلق و صریح بر قاعدہ قانونیہ وضع ایتدیکی کی بو قاعدہ دن استثنا ایدرک تفریق و مجازات محصورہ لری تعیین ایتدیکی جرائم مکررہ یی شامل اولان دیگر مادہ لری دخی سکزنجی مادہ تک حکمی صراحتہ تأیید ایتدیکندن آرتق بو صراحتلرہ قارشو قانونک احکامی تفسیرہ و مکرر لرک مجازاتنک مقداری استدلالات تحدیدہ قالفشمق طوغری اوله من .

مطالعات مبسوطہ من من کل الوجوه محتاج تعدیل و اصلاح اولان جزا قانوننرک احکام حاضرہ صریحہ سنده کی مقصد قانونی یی مدافعہ یه ضروری اولان مجبوریته معطوف اولوب یوقسہ حد ذاتندہ قواعد عمومیہ نظریہ ونفس الامرہ موافق اولیان تکرر حقندہ کی احکام مذکورہ قانونیہ منی پسند ایدلر دن دکلز . چونکہ سکزنجی مادہ حکمنجہ مکررہ حکم اولنہ جق ایکی قات جزا ده احتمالک جرم ایله جزا آرمسندہ کوزہ دیلان نسبت عادلہ بولماز . خصوصیلہ معین اوله رق ایکی قات جزا حکم ایتمک مجبوری حاکمہ حق تقدیر بر اقامقلہ موافق عدل و انصاف مجازات دن عد اولنہ ماز . نہ چاره که قانونک حکم صریحی بومرکزده اولدیغندن و قانون معمول به اولدجہ احکامنک مغایر معدت اولسہ دخی خلافتہ حرکت جائز اولدیغندن قانون جزامن تعدیل و اصلاح اولنجه یه قدر مکرر لر حقندہ کی احکام صریحہ سی دائرہ سنده حرکت ایتمک ضروریدر . مع هذا مجرد قانونک مقصد و صراحتی محافظہ ایتمک نیتلہ بسط و تمہید ایتدیکنم مطالعات ومدافعات مذکورہ آرزومز خلافتہ بولندیغندن بوکا قارشو بر چاره اولق امرندہ شونیدہ بیان ایدر زکہ قانون جزامن دن قورتولونجہ یه قدر یعنی قواعد اساسیہ شرعیہ ونظریہ یه و احتیاجات حاضرہ مزہ موافق بر قانون

جزا وضع اولننجہ یه دین حکام کرامک مکرر لر حقندہ حکم ایدہ جکلری مجازاتی تقدیر ایدر کن تقدیر اسباب مشددہ تقدیریہ بولنور سہ بولسون حکم ایدہ جکلری مقدار ، لدی التضعیف مجازات موقتہ تک حد اعظمی پکده تجاوز ایتہ جک رادہ ده اولسنہ غیرت ایتلری موافق انصاف ومعدلتدر . ذاتاً تکرر اسباب مشددہ قانونیہ دن اولدیغندن مجرم مکرر ہر حالده فضلہ جزا کورہ جکی شہبہ سز ایکن برده اصل ایکنجی جرمک جزاسنک اسباب مشددہ تقدیریہ دن طولانی حد اعظمہ قد تشدید جہتہ کیتمک اکثر احوالده مناسب اوله ماز . مع هذا بو صرف قناعت وجدانیہ یه تعلق ایدن بر مسئلہ درکہ قانونک حکم و صراحتہ قطعاً تأثیر وتعلق اوله ماز . بناءً علیہ حاکم مطالعہ مسرودہ منی قبول ایتوبدہ سکزنجی مادہ حکمنہ توفیقاً ایکی قات حکم ایدہ جکی تکرر جزا سنده مجازات موقتہ تک حد اعظمی کی کچمش ایسہ آرتق بو صرف کشف و تقدیر وجدانیسنہ و قانونک مساعدہ صریحہ سنہ مستند اولدیغندن کیسہ تک برشی دیمک صلاحیتی اوله ماز . محکمہ استیناف و تمیزک دخی صرف تقدیر حکمہ عائد اولان بو جہتدن طولانی اعلامی فسخ ویا نقض صلاحیتلری تسلیم اولنہ ماز . انجق تقدیری بر تدیر اولق اوزرہ شو بیان ایتدیکنم چاره یکی قانون جزانک وضعنہ قدر تحدت ایتمک ممکن اولان مشکلاتک رفعنہ مدار اوله بیلر . ازجمله مسموعاتہ کورہ اخیراً بر جزا محکمہ سندن بر مکرر حقندہ حکم اولان الی سنہ حبس جزاسی ، متنسبین حقوق بیندہ قیل و قالی و بعض اعتراضاتی موجب اولمش ایش . بو حکم ، قانون جزامنک احکام صریحہ سنہ موافق اولدیغنے شہبہ اولماقلہ برابر اساساً آلودہ نواقص و خطیئات اولان قانون مذکورک احتمالک دہا مکمل بر قانون جدیدک ظہوریلہ ملغا اولسنہ آز قالمش اولدیغندن چاره معروضک استعمالیلہ صلاح تقدیر ایله اولسون بو مثالو مشکلات تطبیقیہ محل بر اقامق ممکندر . فقط تکرر ایدرز : بو یولده تسہیلات تقدیریہ کوسترمکدہ تعصب ایدرک صراحت قانونیہ یی حرفیاً تطبیق ایتمک ایستیان حاکم اکثر علماء ومؤلفین حقوق طرفندن بیان اولندیغنی اوزرہ تکرر جرمده ایکنجی جرمک اسباب مشددہ تقدیریہ سنی وتکررک اسباب مشددہ قانونیہ دن اولدیغنی نظر اعتبارہ آلہ رق بالفرض جزای حبسک حد اعظمی اولان اوچ سنہ سنی ایکی قات اوله ق الی سنہ ابلاغ ایلر ایسہ بو حکمک موافق قانون اولدیغنی ادعا اولنہ ماز . فقط عینی زماندہ قانونک شو صراحتی قواعد عمومیہ نظریہ و بلکہ احتیاجات مملکتدہ موافق اولدیغنی ده انکار اولنہ ماز . واقعا بو حال بزہ مخصوص دکدر . اسکی (باویرا) قانون جزا سنده دخی تکرر جرم حقندہ عینی مشکلات وار ایدی . حتی بو قانوندن استنباط احکام ایدن یونان جزا قانونی دخی حالا بو مشکلاتدن قورتیلہ مدی . فرانسه جزا قانوننک تکرر جرم حقندہ کی احکامی ده محتاج اصلاحدر . ایتالیا قانون جدیدنک تکرر جرم حقندہ وضع ایتدیکی اساس مجازات ایسہ شہبہ یوقکہ اک نظری واک واضح بر اساسدر . قوانین اجنبیہ حقندہ بشقہ بر مقالہ مزده ایضاحات ویرہ جکمزی عرض ایله شمذیلک بو قدرلہ اکتفا ایدرز .

قانون يوقسوللغى ، صراحت يوقسوللغى

هر جمعيت مدنيه ده ، امور ومعاملات بشريه نك رهبر تدويرى ، قانوندر ، قانونسز ياشانيه ماز ، شو قدر كه هر دورده ، هر مملكتك حيات اجتماعيه سى بر قاعده تكامله تبعيته تحويل شكل ايلديكندن ، بوحياتك تايمين ادامه سى ايجون يكي يكي بر طاقم قواعد خط حركتك وجودى ده الزم اولور . بو فعاليتك شرائط جريانى تعيين ضمانده ، همان كشفيات واختراعاتى تبديل ايتك واضع قانونك وظيفه سيدر ، بناء عليه ، جمعيات مدنيه قانونسز يشايه مدينى كجى يتمش سنه اول ياپيلان قانونلده ادامه حيات ايدمه مر .

دور سابقده ظلم واستبداد ، بزي ، هرشى كجى قانوندن ده محروم قيلمش ايدى . اوكه نه قانونلردن بجه محل كوره مم . زيرا مثلا ، بر جزا متخصصى مباحث جرميه يي تعميقه وفرضا تشبث بختنده ، خواص واضح وبين اولميان بر طاقم افعالى تحليله قالقشسه بيك مشكلات ايله اله كچيرديكى مؤلفات جديده يي تدقيق ايله نوبنو تجلي ايدن نظريات مكمله يه دسترس اولور ، ديكر طرفدن ، فرانسه ايتاليا ، المانيا قانونلر ينه كوز كزدير مكله بونظريه لرك اورالده هپ تقنين ايدلمش اولديغنى اكلا ، كنديسنه ، متحسرانه آه ايلمك دوشردى زيرا بزلرده بر متشبث جرمك عندالحا كه فعلى عيان اولديغى حالده ، محضا صراحتسزلكدن ، قانونسزلكدن ناشى جزادن قورتلديغى حكامك عجز ايجنده ، الى بوكرنده قالدېغى كوريردى . انفلاق مشروطيته ، عدليه نظارتنه ، بو محروميتلر ، يوقسوللقلرى تقدير ايدن بر ذات كلدى . آز زمانده تنظيم ايتديرديكى بر چوق لوايح مياننه دنيا نك اك مكمل قانونندن مقتبس بر جزا قانونى لايحه سى ده ادخال ايتدى . بونلرى كورن ارباب حيت ، كنيش بر نفس آلدى . زمان فعاليت ككش ، ايرشمش ايدى . آرتق ارباب حقرك دوش حيتنه ، بذل تعاون وظيفه سى محمول قالدى .

لايحه لرك نسخ مطبوعه سى حكاه ، متسبين عدليه يه توزيع اولندى . مقاصد توزيعدن بريده (ظنمه كوره) ضمناً ياد تعاون ايدى .

حالبوكه بعض ذوات (شايدان شكر اندركه محدود بر اقليت) يالكز ايلك صحيفه لره سطحى بر نظر عطف ايتمكله اكتفا ايلديلر مساعى بى تقدير ، كروارايسه ، خطيائى اصلاح ايجون كال خالصيته بذل معاونته شتاب ايدمك يردنه تعريضات غير محقيه قيام ايتديلر .

مثلا جزا قانونى لايحه سنك برنجى ماده سى ، بر خشو زائد ؛ ... ماده مذ كوره نك ايكنجى فقره سى تكرار ؛ ... ايكنجى ماده نك فقرات متواليه سى بى لزوم ، معناسر ؛ ...

اساسات ودقايق جرميه و جزائيه ايله مالا مال اولان اوبى مثل قانون كتابخانه نسيانك اك درين اعماقه آتيلويردى ... انصاف .. بالاده كى جهل اعتراضيه حقنده عرض مطالعاتى موافق شيمه نصفت بولدم . حيات اجتماعيه كجى جرمده بر قانون تكمله تابعدر . هر زمان ، هر مملكتنده ، بر فعلى هيئت اجتماعيه نك انتظامى

اخلال ايلديكندن دولايى نامشروع عد و اعلان ايلمك ، ياپلاماسى و ياپلاماسى لازمكلن شميلرى بر جزا تهديدى آلتنده اوله رق قانونده تصریح ايتك ، واضع قانونه عائددر ديمك كه ، قانونسز جرم و جزا اوله ماز . بونك عكسى التزام اولنسه يدى ، هر فردك عقله ، كيفنه كلنى دكل ، قانونك جواز ويرديكى ياقمقندن عبارت اولان حریت مدنيه نك تايمين مستحيل اولوردى ؛ ديمك كه حریتی ، باشى بوشلقدن ، انتظامسزلقدن آييران حدلرى تعيين واضع قانون ايجون بر ديندر . اولجه ، هر يردنه ، قانونك بوجه پشين تصریح ايتديكى افعالى حاكم تجريم ايدر و جزالدير لردي ؛ حتى بر زمانلر فرانسه ده جزالر عرفيدر ، سوزى زانزد اولمش ايدى . بوكون ايسه هر جرم وقوعندن اول اصدار ايديلن بر قانون ايله كشف و تخمين ايدلمكده و هر جزا قانونك اوامر و نواهيسنه مربوط بولمقده در .

ايشته لايحه مذ كوره نك برنجى ماده سنك برنجى فقره سى جرمك ، ايكنجى فقره سى ايسه جزانك ، قانونيتى معلن ، مختصر و مجمل برر حقيقتدن عبارتدر .

جرمك ، جزانك قانونيتى آيرى آيرى برر قاعده ايله اعلان ايتك خشو زائد دكلدر . و جزانك قانونيتى اعلان ايدن ايكنجى فقره . جرمك قانونيتى اعلان ايدن برنجى فقره يي تكرار دن عبارت اوله ماز . اكر بويله اولسه ايدى . لومبروزو ، غاروفالو ، فهررى كجى اعظمك ، مملكتلرنده مرعى بولنان بر قانونك برنجى ماده سى بوايى فقره يي ده احتوا ايتزدى . ماده مذ كوره شويولده ترتيب و تحرير اولمشدر « هيچ بر كيمسه قانونك صراحة جرم عد ايتديكى بر فعل ايجون دوچار مجازات اوله ماز . » (جرمك قانونيتى)

و قانونده مذ كور اولميان بر جزا ايله ده مجازات ايديله مر (جزانك قانونيتى)

ايكنجى ماده . قانونك زمان اعتباريله دائره فعاليتى ارئه ايلر ؛ برنجى فقره ايله . بر فلك خاصه جرميه سنك اصولاً نشر و اعلان ايديلوب هنوز فسخ و الفا قلمنامش اولان قانون موضوعه آرانلمسى لزومنى ؛ ايكنجى فقره ايله ، بر فعلى زمان ايقاعنده مرعى اولان قانون تجريم ايتسه بيله مؤخرأ نشر اولنسان قانون فعل مذ كورك خاصه جرميه سنى ازاله ايتمش ايسه فاعلك جزالدير ماسنى ؛ اوچنجى فقره ايله ، بر كيمسه اسكى قانون موجبجه محكوم اولدقدن صكره نشر اولنان يكي قانون سبب محكوميت اولان فاعلك خاصه جرميه سنى ازاله ايتمش ايسه حكم واقعك و نتايجك اجراسندن صرف نظر اولنمى امر ايدر ، صوك فقره ايسه مخفف جزا احكامه تعلق ايلر .

شو فقره لرك هر برى قانونده صراحة كوسترلمى و معارضلرجه معلوم اولمى لازمكلن حقايقى . يكان يكان و صورت و اخنده اعلان ايتمكده ايكن ، بونلرك لزومسزلى اعداده اصرار تصلفده اصراردر .

حقايق علميه مستند اعتراضات ، انحق بوكي صحيفده اشهر ريز بدايع اولميدر ؛ قولاقدن قولاغه فيصلد اشق فائده دن زياده ضرر ويرر .

برنجى محكمه تجارت اعضاسندن و مكتب حقوق معلملردن

ثروت

يالان شاهدلكى

Faux Témoignage

مستغنى بيان اولديغى اوزره هر علمك بر نظرى (Théorique) و برده عملى (Pratique) قسمى واردر ؛ علم حقوقك دخى نظريات و عمليات قسملى اولوب بونلر لازم ملزوم قىلدنددر ؛ نظرياتى علم بر جسم بى روح كيدر . بر علمك نظرياتى بيلميان آنك حكمت و غوامضنه واقف اوله ماز ، قوه محاكمهسى اوكرنديكى عملياتك دائره محدوده سندن ايلرويه كچه ماز ، حل مسائل خصوصنده تعميق فكر و اعمال ذهن ايدمه ماز و تطبيقانده اكثر يا كيلور ؛ شو حالده نظرياتك فوائد و محسناتى غير منكر و متفق عليه اولوب على الاطلاق قوانينك قسم نظريسى حقنده ياز يالان مقالات هر كس ايجون موجب استفاده اوله جنى ملاحظه سنده بناء مواد جزائيه دن يالان شاهدلكى حقنده كى بعض مطالعات و مباحث نظريه نك شرح و ايضاحنه بدأ و شروع اولنور :

جزا قانوننامه هايوننك باب ثانیسنك فصل خامسنده على الاطلاق يالان شاهدلكى ترتب ايدن مجازات تعيين اولنديغى حالده يالان شاهدلكى نه ديمك اولديغى تعريف ايدلمه مشدر ؛ بناء عليه اول امرده بزه يالان شاهدلكى تشكيل ايدن جرمك شرائط اساسيه سنى بيان ايتك لازمدر .

شرائط مذكوره درتدر : برنجيسى شهادتك حضور محكمه ده اولمى . ايكنجيسى اشبو شهادتك خلاف حقيقت اولمى . اوچنجيسى خدر ، امكانى ، درنجيسى هيئت حاكمه بى اغفال قصدى بولمسيدير . اخبارات و افاداتك حضور حاكمه و مع التحليف اولمى يالان شاهدلكى برنجى شرطى تشكيل ايدليكنه نظراً معلومات قىيلدن اوله رق بلا تحليف استماع اولنان شاهدلر حقنده يالان شاهدلكى دعواسى اقسامه اولنه ماز . كذلك جنايت محاكمى رؤسائىك حائز اولدقلى ماذونيت قانونيه ليه بناء رأساً جلب و بلا تحاييف استماع ايدلكلى شهود دخى بوقيدنددر . آنجق بوكى شاهدلر سهواً عيىن تكليف اولمش و آنلر دخى عيىنى اجرا ايتمش بولنورلر ايسه افاده لى شهادت قىيلدن اوله رق حقلى رنده ينه عندالايحاج تعقيبات قانونيه اجرا اولنه بيلور . حق مدافعه : بالاده كى قاعده دن نتيجه آتیه استنباط اولنور :

حضور حاكمه حقوقى مدافعة بعض افادات كاذبه ده بولنان بر مظلون ويا متهم حقنده يالان شاهدلكى ادعاسى درميان اولنه ماز . چونكه هيچ بر كسه نك كندوسنه عائد دعواده شاهد اوله ميه جنى قواعده كلبه دندر . مع مافيه بر شاهد شهادت ايدلى فعلده كندوسنى دخى اتهام ايتدير ميمك ايجون عجباً حقيقتى كتم ايدرك يالان سويله بيلور مى ؟

فرانسى محكمه تميزينك « ژوريسپرودانسنه » يعنى اجتهدينه كوره سويله ماز ، زيرا عيىن ايتمش اولان بر شاهد بعض مطالعات شخصيه بناء عيىنك كندوسنه تحمىل ايدلىكى وظائفدن هيچ بروجها و ارسته اوله ماز . بواصول علميه مشاهير جزائوندن (فوستن اليك) آتيدكى اعتراضى تنوير افكاره خادم اوله جغندن خلاصه ذكر ايدم :

مومى اليه ديور كه شاهدك اجرا ايتمش اولديغى عيىن شهادت ايدميه جكى افعاله متعلق اولوب يوقسه كندى علمنده اولان افعاله تعلق ايدميه جكنه نظراً اتهام اوله جنى حس ايدن شاهد حق مدافعه سنى استعمال ايدميه جكدر ، باخصوص كه بو حالده سويلديكى يالان غيرى اضرار قصديله اولمايوب نفسى مدافعه ايجون اولديغندن بوندنطولاى مؤاخذه ايديله ميه جكى طبيعيدر ...

شرط ثانى — حقيقتك تغييرى : حقيقتك تغييرى يا اساس ماده ده اولور ويا خود فرغنده اولور . فرغنده اولان تغيير و بعض ياكش تقديرلر موجب مجازات دكلدر . انجق فلك دلائل ثبوتيه سنى تشكيل ايدن احوالى مثلاً شاهدك كوردكى و ايشتيديكى شيلرى تغيير و تبديل ايتمى ، كندى اسم و شهرت و صفتى طوغرى سويله ميمى ، مظلون ايله قرابتى بيان ايتمى ، جرمك وقوع بولديغى محل و كونه تعيين ايلمى اساس ماده ده حقيقتك تغييرى عد اولنه رق مستلزم مجازات اولور .

شهودك مجابو بدن امتناعى — ايفاي شهادتدن استنكاف يالان شاهدلكى معدود اولمايوب انجق اصول محاكمات جزائيه قانوننك ٧٥ و ١٥٩ نجى ماده لرى موجب مجازات نقديه مستلزم اولور .

اصل شهادته متعلق اولمى و آنى تغيير ايتمى عادى بر استنكاف معين اولان بر ماده حقنده مجابو بدن امتناع عد اولنور ايسه ده شهادت واقعنه نك تغييرى ايله حقيقت حاله مغاير بر معنا چيقمسى موجب اولان استنكاف مستلزم مجازات اولور . بر جنايتدن طولايى بر كسه متهم ايكن او جنايتك فاعل حقيقتىسنك اسمى بيان ايتك خصوصنده شاهدك مجابو بدن استنكافى كى ؛ بناء عليه شهودك انكار ويا استنكافلى يالان شاهدلكى جرمندن معدود اولق ايجون واقع اولان انكار و استنكافلرندن خلاف حقيقت احوال وقوع بولديغىك عيىن ايتمش اولمى لازمدر .

فى الواقع شاهدك بر جرم وقوعنده حاضر بولنديغى حالده بعض شيلرى كورمه ميمى ويا ايشتمه ميمى ممكن اولديغنه نظراً عدم معلومات بيان ايتمى اساساً يالان شاهدلكى جرمى تشكيل ايدميه جكى طبيعى ايسه ده حقيقتى تغيير قصدى و جرمك وجود و اسباب ثبوتيه سنى محو ايتك نيتى ايله بيان اولنان عدم معلومات يالان شاهدلكى عددينه داخل اولور .

شهودك تناقضى و افاده لرينك تغييرى — بر شاهدك افاده سنده وقوع بولان تغيرات يالان شاهدلكى عد اولنه ماز : بواشكاردر : شاهدك كوردكى ايشتيديكى شيلر خاطرندن چيقمش اوله بيلور ايسه ده ينه تصحيح ايدميه بيلور . انجق شاهدك شهادت واقعيله افادات سابقه سنى بيننده ظهور ايدن تغير و تبديل شاهد

تصحیح و یا ایضاً ایدمیدی و افادات اخیر منک یالان اولوب افادات سابقه سی ضعیفتمق و یا خود چور و تمک قصدینه مبتنی اولدینی اکلایدینی تقدیرده حقنده تعقیبات قانونیه شروع اولنه بیلور ؛ شاهدک تناقضی حقنده دخی عینی صورتله معامله اولنور . اگر تناقض شاهدک اثنای محاکمه حاصل اولان هیجان و یا خود قوه حافظه منک ضعفندن ایلر و کله رک حقیقتی تغیر ایتک قصدینه مقرون دکل ایسه موجب مؤاخذه اولماز عکسی اکلایدینی ایسه مستلزم جزا اولور .

شرط ثالث — ضرر امکانی — یالان شاهدکنک اوچنچی شرطی اضرار و یا خود ضرر امکانیدر شهادت کرک مظلونک علیهنده و کرک لهنده اولان متهمک مدافعه سی اخلال و اسباب اتهامه نقیصه ایراث ایتدکجه مستلزم جزا اولماز و بوکی افادات کاذبه اگر بر ضرری موجب اولماز ایسه یالان شاهدکنک محدود اولماز . شو حالده بر شاهدک دائره استنطاقده کی مضبوط افاده لری (که بوکا استماع اعدادی دینور) اسباب حکمندن محدود اولماز مظلونک محاکمه سی موجب احوالک جمع و تهیه سندن عبارت اولدینه نظراً بو افاده لردن طولانی دخی یالان شاهدکی دعواسی اقامه اولنه ماز : بوباده عدلیه نظارت جلیله سندن دخی اوامر سامیه تسطیر و تعمیم بیورلمشدر . یالکز اثنای محاکمه ده شهودک افادات شفاهی لری حکمه اساس اتخاذاولنورق ضرر امکانی موجود اولدیندن بوکی افادات کاذبه دن طولانی عندالایجاب یالان شاهدکی ادعاسی درمیان اولنه بیلور اصول محاکمات جزائیه قانوننک ۲۵۵ . ۲۵۹ نجی ماده لریک تدقیق مندر جانندن اکلایدینی شهادتک اثنای محاکمه ده و قبل الحکم اولسی مشروطدر . قاعده مبحوثنک بر نتیجه سیده شهادت واقعنک ناقابل اعاده اولسی و بوسیله ضررک محو و ازاله سی ممکن اوله مامسیدر بونکله یالان شاهدکی جرمی اکمال ایدلمش اولور . بناءً علیه اثنای محاکمه ده یالان شاهدکی ایتمش اولان بر شاهد محاکمه منک ختامندن اول شهادت واقع مندن نکول ایدر ایسه ارتق تعقیبات قانونیه دن قورتیلمش اولور ؛ انحق محاکمه نه زمان ختام بولمش و شهادت ناقابل اعاده بر حاله کلش عد اولنه جقددر ؛ بونی آاز ایضاح ایدلم :

مواد جنائیه ده محکمه رئیسنک ختام محاکمه ی تفهیم ایتسیله و جنحه موادنده دخی مدعی عمومینک ادعاسی و مظلونک مدافعه سی استماع اولدقدن صوکره محاکمه ختام بولمش عد اولنور . بر دعوانک بدایت محکمه سنده رؤیتی اثناسنده یالان شاهدکی ایتمش اولان شاهد استینافده شهادت سابقه سندن نکول ایتسیله تعقیبات جزائیه دن قورتیه ماز ؛ چونکله بدایت محاکمه منک ختامیه شهادت واقع سی ناقابل اعاده بر حاله کلدیکی کی دعواسی استینافه دخی کچمشدر .

کذلک جنحه محکمه سی بر شهادی استماع ایتدکدن صوکره حسب الایجاب محاکمه ی تأخیر وایشی مستنطقه اعاده ایتدکدن صکره مذکور شاهد شهادت سابقه سندن نکول ایدر ایسه اساس ماده حقنده تجدید محاکمه اولنسه بیه حرکت واقع سی مستلزم مجازات اولور . فقط بر دعوانک برنجی محاکمه سنده بعض افادات کاذبه بولمش اولان بر شاهد او دعوانک تعلیق اولدینی ایتنچی محاکمه سنده افادات سابقه سندن نکول

ایدر ایسه ارتق یالان شاهدکنکدن طولانی تعقیب ایدیه من ، چونکله محاکمه منک ختامندن اول افاده سی تصحیح ایتمش اولیور . بر شاهد خلاف حقیقت اوله رق افاده سی اکمال ایتدکدن صکره محکمه صالوندن طیشاری به چیقار ایسه — ختام محاکمه تفهیم اولنماش اولسه بیه — یالان شاهدکی جرمی ایقاع ایتمش عد اولنور . لکن افادات واقع سی هنوز اکمال ایتکسزین محکمه دن کیتمش اولان شاهد یالان شاهدکی اسناد اولنه مادیکی کی یالان شاهدکی تشبثده بولدینی دخی ادعا اولنه ماز .

شرط رابع — اغفال قصدی — یالان شاهدکنک صوکره شرطی هیئت محاکمه ی اغفال قصدی در ؛ بناءً علیه اغفال قصدی تحقق ایتدکجه موجب مجازات یالان شاهدکی دخی اوله ماز . و شو حالده بر شاهد طرفندن وقوع بولان افاده منک یالان یوقسه یا کلش اولدینی ایوجه تدقیق و تفریق ایتک لازم کلور ، زیرا بر شاهد کوردیکی و یا خود کورمش ظن ایتدیکی بعض شیلر حقنده هیچ بر سوء نیتی اولقسنزین دخی یا کیله بیلور . مثلاً عقیب وقعه ده حاصل اولان هیجان و فرط تأثری و یا خود حافظه منک ضعیف سیبیه من غیر قصد یا کلش افادنده بولنه بیلور ایسه ده بوندن طولانی مؤاخذه سی لازم کلز .

مواد حقوقیه ده بالان شاهدکی حقنده کی مطالعات دخی انشاء ایروجه بر مقاله ایله شرح و بیان اولنور .

۲۶ کانون اول سنه ۳۲۵

تجارت اجرا مأموری

میساق مقاریان

طب قانونی

« مدخل » صورتده یازدیغمز بوندن اولکی مقاله مزده بزده طب قانونینک یوق مرتبه سنده نقصانندن بحث ایتمش و ایچنده بولدیغمز شو دور ترقی و تکمیلده بو نقصانک اکلی مرتبه وجوده بولدینی لزومی درجه ده تفصیل و ایضاح ایلش ایدک .

طب قانونی دیخه نه آکلایو ز ؛ نه در طب قانونی ؛ نه در طب قانونینک محاکمه ی تنویرده کی وظیفه و تأثیری ؛ ایشته بوکونکی نوشته جاتمز بوجهنلرک تعریف و توضیحه انحصار ایده جکدر .

قدمای مؤلفین طرفلرندن طب قانونی ، « امور عدلیه ده راپورلر تنظیم ایتک فنی در » صورتنده تعریف ایدلمش ايسه ده بکون علوم طبیعه ده مشاهد اولان ترقیات . علوم مذکورہ تطبیقاتی دوائر عدلیه ایله ده صمیمی بر تماسده ، ده چوق و ده معین و قطعی بر مناسبتده بولندیروب طبیب قانونی صفتی حائر اولان ذاتک مساعیسی یالکز راپور تنظیمندن عبارت قالمادیغندن طب قانونی بی ده مکمل و ده صریح بر صورتده تعریف ایتک لزومی حس ایدن هیئت مؤلفین معاصرین . بولزومی تصدیقه متفق علیهدرلر . مشهور (اورفیل) یه کوره : « طب قانونی ، معلومات طبیه نک شول بر مجموعه سیدرکه معلومات مذکورہ مسائل مختلفه حقوقي تنویر و تنظیم قوانینده واضع القانون اولان ذواتی هدف مقصوده دوعرو اداره و سونه خادمدر . »

معروف (دموهرزی) یه کوره : « طب قانونی ، بعض قوانینک تنظیمنده و مباحث عدلیه عائد بعض وقایعک معرفت و تفسیرنده علوم حکمیه و طبیه نک بزه بخش ایدلیکی و ثائقک تطبیقی فنی در . » مؤلفین متأخرینجه مارالبیان تعریفات اساساً قبول ایدلمکه برابر طب قانونینک : « حقوق جنائیه و حقوق ملکیه و حقوق اداریه ایله مناسبتده بولان طبابت و آکا متفرع علوم و فنون شتی » صورتنده تعریفی ده شمولی و ده جامع کورولمور .

فی الحقیقه شو صوک تعریف ، محرر عاجز جده فکره ده ملایم کلیور . چونکه زمان اولیورکه طبیب قانونی جرائم و جنایاتک اهیتنی تعیینه ، اولرک فاعلرینی ارائیه . تجریات عالمانه سی سایه سنده بر مظلونک معصومیت ویا مجرمیتنی اثباته دعوت اولنیور . زمان اولیورکه مواد حقوقیه ده معلوماتنه مراجعت اولنیور ؛ و مثلاً بر قادینده تاریخ حلی تعیین ایتک ، بر طفل نوزادک یشامغه قابلیت اولوب اولمادیغنی تبین ایلک و بر شخصک ملکات عقلیه سی حقنده رأی ویرمک کبی هربری هیئت اجتماعیه بی حصه دار نفع و ضرر ایتک شانندن اولان مباحث مهمه عدلیه ده ترازونک بر کفه سنده عدالتی دیگر کفه سنده دخی ابنای نوعندن برینک ثروتی ، شرفی ویا موقع اجتماعیه سی بولندیرمق بولنری طاریور . خلاصه بعض زمانلر اولیورکه شو ویا بومؤسسه عمومیه ویا خصوصیه نک ، شو ویا بوسائط فنیه ویا صناعیه نک ، فلان ویا فلان تداییر ضابطه طبیه نک و غیرهم خصوصاتک فوائد ویا محاذیرینه دائر مقامات و دوائر اداریه بی تنویر و یقاظ ایلور .

بولنردن ماعدا بعض جرائم و جنایاته تصادف اولنیورکه محاکم عدلیه بولنرک ظاهره اخراجی ایچون مطلق طب قانونینک دست معاونتنه محتاج بولنیور . مثلاً : تسممات ، بعض مواد غدائیه ده تخیلیطات و تغشیشات ، قتلر و تعدیات ، دم ویا افرازاات منویه لککلرینک موجودیتنی تعیین واثبات ، خلاصه تغییر خط و امثالی خصوصانده انکشت طبابت ایشه قاریشما دقچه اظهار حق امکانسز اولیور . بولنر و بولنره متفرع جرائم و جنایات ، طب قانونی بالخاصه دینیکمز شعبه خارجنده قالدقلرندن و بولنردن اکثریسی صورت

مطلقده فن کیمیا به تماس ایتدکلرندن عدد و اهمیتلری نسبتنده برفن حصه له کیشدرکه بوفن خصوصی یاده « کیمیای قانونی » نامی ویرلمشدر .

بوصوک ربع عصرده دائره طبابت حیرت بخش عقول اوله جق درجه ده آلامیدیکنه توسع ایتمش اولدیغندن بعضاً طب قانونی و کیمیای قانونی ایله حلنه موفق اولنه میان مسائل عدلیه ده « میقروبیولوژی » و « باقتریولوژی » کبی طب حاضرک کرچکدن برر بدیهه کبی قبول ایدلمک لازم کلن شعباتندن ده استعانه یه لزوم کورولمکده در .

هیئت اجتماعیه بشریه بی ترکیب ایدن افراد آراسنده اظهار حق و توزیع عدالت ایچون هربری الهه برر سلاح صیانت ، برر واسطه دفع مضرت و عدالت اولان بو قیمتلی شعبات طبک بزه بکونه قدر محافظه ایده کلدیکی عطالت ، هربری دوائر عدلیه مزده یرلی یرینه محل تطبیق بولدقچه عن قریب البته مبدل فعالیت اوله جقلرنده اک درین امیدلره امیدوار اوله بیلیرز .

شو مختصر تفصیلاتدن آکلاشیلیورکه سلسله مقالاتمزد اوله « طب قانونی » صوکره « کیمیای قانونی » تعقیب ایدله جک و موفقیت الوردیکی ولزومده کورلدیکی صورتده بر نبذه جک یعنی صرف معلومات ابتدائیه قیلندن اولق اوزره اوافق تفک « میقروبیولوژی » و « باقتریولوژی » دن ده بحث اوله جقدر . مع مافیه پروغرامز و خط حرکتمز حقده شیمیدین بر فکر اجمالی حاصل اوله بیلمک ایچون سلاک سطوره چکدجکمز مباحث و مسائلک اوفای بر فهرستی شیمیدین تقدیم ایدرسه ک فائده دن خالی قالماز .

ایمدی طب قانونی یه عائد پروغرامز درت قسمه منقسمدر . برنجی قسم : اخلاقه و تناسل نوعه تعدیات ؛ اسباب حمل ؛ سقط و وضع حمل ؛ تأخر ایتمش تولدات ؛ اطفال نوزادده حیات و قابلیت حیاتیه ؛ رفع اطفال ، استبدال اطفال و تشهیر اطفال یعنی چو جق قالدیرمه ، چو جق دکشیدیرمه و سو قاقده چو جق ترک ایتمه کبی فضایح ایله قتل اطفال دنیلن چو جق قاتلکی مبحثلرینی حاوی اوله جقدر .

ایکنجی قسم : — صحت و حیاته تعدیات ؛ (بوراده قتل نفوس بشردن بحث اوله جق و طرز حصوله ، مصاب اولان قسم بدنه و مجروح اولان عضوه کوره تصنیف اولان جروح بوفصاه داخل اوله جقدر .) اتحار ؛ ندبات یعنی یارلر التیام بولدقندن صوکره بر اقدقلری ایزلر و اثرلر ؛ صوکره علی العموم اختناقلر یعنی بوغولملر ؛ هوای تنفسینک فقدانی ایله ، درلو غازلرله ، طرق هواییه نک طیقانسیله ، بوغازی صیقمله ، اصمقله و صویه باتمقله بوغولملر و نهایتده زهرله مکله قتل نفوس بشر مبحثلری ده بو قسمی اشغال ایده جکدر .

اوچنجی قسم : — بو قسم صرف امراض عقلیه یه حصر ایدله جک . بوراده اختلالات شعورک ، حقوق ملکیه و حقوق جزائیه ده تولید ابتدکی حادثات تدقیق ایدلدکدن صوکره جنت بالخاصه دن ، احتراصادن و بعض احوال فیزیولوژی ویا مرضیه نک حریت اخلاقیه اوزرنده حصوله کتیردیکی تأثیراتدن بحث اوله جقدر .

در دنجی قسم: — بوراده مسائل هویت، امراض متمازیه، بهانه اتخاذ اولنان امراض و خدمت عسکر یه دن عفوی مستلزم امراضك حقوق و جرائمه تماس ایدن اقسامیه اشغال ایدیه جکدر . ایشته طب قانونیده تعقیب اولنه جق پروگرام بو . کیمیای قانونی یه کلنجه : بوندن ده مختصراً بحث ایدرهك مقاله مزه نهایت ویرهلم .

برنجی فصل: — بوفصلك محتوی اولدینی مباحث ، عمومیتله سمومی تجرید و بونلرك وجودینی ستر و اخفا ایدن مواد عضویه یی ازاله و تخریدن و صوکره تحرئ سموم ایچون استعمال ایدیه کلنکه اولان اصول و وسائط عمومیدن عبارت اولوب بوجهتر ایسه منتسبین حقوقدن زیاده طب ایله انسیتده بولنانلری علاقه دار ایتدیکندن فصل مذکورك یلکیز عمومیاتندن بحث ایدیهك تفصیلاتی پروگرامز خارنده برافق ضرورتنده قاله جغز .

ایکنجی فصل: — بو فصل دخی تحلیلات کیمبویه ایله برلکده خرده بین استعمالندن حاصل اوله جق فوائد لاتحصادن باحث تفصیلاتی حاوی اولوب بونده قان و منی لکله ری ، سیلان ابیض یعنی بیاض آقینتیلر و حرقة البول یعنی بل صغوقانی کبی اعضای تناسلیه ذکور و انانندن جریان ایدن افرازات مخاطیه مختلفه یعنی سموك قوامنده آقینتیلر ، پوست کسب ایتش جوهر دماغی یعنی قورومش بین اقسامی و قیللرك . صاچلرك و صقالك طبیعت ولونی تعیین اولنقی ایچون بو ایکی وسائط تجربیهك تطبیقی ایله تنویر محساکم خصوصنده نه یمان خدمتله عرض ایدیه جکی و بولکلر قاش ، اخشاب ، دمیرو چلیك کبی اشیادن هر هانکیسه بولاشمش اولورسه اولسون و نه قدر اسکی یعنی اوزرندن نه قدر سینه لر مرور ایتش بولنورسه بولنسون وسائط تجربیه مذکوره ایله انسان قانی ، قوش قانی و انواع حیوانات قانی آراسنده کی فرق — دهافنیسی — اوصاف میزه دمك تعیین قطعیمی ممکن اوله بیله جکی و اساساً منی یی تشکیل ایدن جسیمان مولدهك یعنی طوغور یجیلق خاصه سنی حائز خرده بین اقسامك و (مهقونیوم) (۱) ایله (طلای دهئی نوزاد) ك (۲) اوصاف طبیعیه سنك معرفت قطعیه سی ، بر سوری اسرار و خفایا ایله پوشیده مسائل عدلیه و قانونیهك حلنه یكانه مدار اوله جفی بسط و تفصیل ایدلك اقتضا ایدرسده منتسبین حقوق بوجهترله دخی او قدر علاقه دار اولماقندن بوفصلك ده عمومیاتندن شویله جه بحث ایدیهك کچیه جکدر .

بونلردن صوکره اوچنچی یعنی صوك فصلده مواد جنائیه حقوقیه و تجاریه و اداریه ده وقوعبولان

(۱) طبدیه یکی طوغان چوجفك ایلک دفع ایتدیکی قازوزاته علم اولمشدر .

(۲) یکی طوغان چوجفك رحم مادرده بولندی مدتیجه عضویتی وقایه سراپا جلدینه پوماته شکنده سورولمش باغلی بر ماده مدر . ماده مذکوره حین ولادته دهده چوجفك اوزرنده بولندیقندن بعض وقایع جنائیه ده استدالات طیه نقطه نظرندن صوك درجه حائز اهمیتدر .

محرر

کشفلرك مستلزم اولدینی مسائل متعددده دن واز آن جمله اونلرك ، شرابلرك و سیرکلرك ، سودك و اجسام شحمیهك یعنی ساده باغ و زیتون یاغی کبی موادك ، منسوجاتك ، اسلحه ناریه دن برسلحك نه وقتدن بری طولو اولدیغنك یاخود نه وقتدن بری آتش ایدوب بوشالدیغنك ، تغیر خطك ، قلب اچهلرك و قیللرله صاچلرك بویانمی کبی احوالك هانکی علائم ایله معلوم اوله بیله جکدن خلاصه هر طبیب قانونی ایچون بیلنمی و هر حاکم ایچون هیچ اولمازسه اکلایشلمسی و تقدیر ایدلمسی لازم کلن نیجه نیجه معلوماتدن بحث اولنقی ایجاب ایدر ایسه ده بونلردن ده اولکی فصللر کبی علی وتیره الایحاز شویله جه بحث ایدیلوب کچیه جك و ایشته طب قانونی سرلوحه سی آلتنده تعقیبی تصمیم ایتدیکمز پروگرام ، آنفالیان فصول و اقسامدن عبارت بوله جقدر .

۲۹ کانون اول سنه ۱۳۴۵

دو قنور

بافره لی یانقو

استقلال محاکم

محاکمك استقلالی ، هر حال وزمانده جمعیات بشریهك دوام انتظام و تکمالی مطمح انظار عد ایدنلر نزدنده بتون معناسیه حائز اهمیت، بر مسئله قانونیه در . محاکم ، قانونك تکمیل قوتیه ترویجی طلب ایتدیکی تکمیلدن ، آرزو ایلدیکی استقلالدن محروم بولنور ، محیط محاکمه کردباد مداخلهك اوکی اچیق بر اقیلیرسه حقوق عباد ایاقلر الله التمش ، حکمت اجتماعیه سوندرلش ، حنائق قانونیه اونوتلش اولور . دینه بیلیرکه محاکم ؛ شعبات اداره دولت اره سنده اك مستقل، اك حربر عضو قانونی اولوب حکومتلری سربستی حرکتلرندن یقویان بیکلرجه عهدی و یا عرفی قیدلر ، محاکم سالونلرندن کیرمز ، حکامك یكانه مطاعی ، امرینه انقیاد ایلکده مجبوری کوردیکی قوت ؛ قانون ، دائماً قانوندر .

بو مقدمه اکلشلقدن ، نظریات دائره سی کچلکدن صکره اساسی بو درجه عالی اولان استقلال محاکم هر حکومتده عین درجه ده مدافعه اولنه مادیغی ، بشقه بشقه حکومتلرده درجه درجه تخالف ایتکده اولدینی کوریلر . هیچ بر وقت شکل اداریسی حر و مشروطیتپرور اولان بر حکومت محاکمی ، مملکتک هر گوشه سندن بشقه بر صدای استبداد دویسلان طور اقدرده کوریلن قیوده انقیاد ایتمز . دائماً بریکلر ، ایکنجی قسم محاکمدن ده نزیه ، ده پاك بر قیمتی حائز بولنورلر . مشروطیتك ، صفحات اجتماعیه و درجات عرفانك تخالفه کوره نتائج مسروده حصوله کلیر . بونك الكجلی صفحه سی ؛ مملکتتمزك پاك یاقین زمانلرده آغوش عدمه کومولن ماضی ظلام انکیزیله بو کونکی حال رحشانیدر . زمانزده بر محکمه رئیسك تحمل ایتدیکی مسئولیت ،

دوش لیاقتنه الدینی وظائف ، متفکر بردماغی یورمغه، بلکهده مجبور توقف ایتمک کافیدر : متونده صراحت بولنمیان نقاط مستثنا اولمق اوزره قانون ، حاکم ایچون حلدن اظهار عجز ایدجک بر مسئله تصور ایدمیور. بو سببندرکه - ولواره صره اولسون - حلدن عاجز قالدینی مسائلی نظارتدن ویا مفتشلدن صورمغه ایشان حکامی کندی ایدمائی دائره سنده کورمدیکی بی محابا اعلان ایدیور .

هریرده حکومتله افرادک محافظه و توزین حقوقی دوشون قانون ، محاکم رؤسائنه بخش ایتدیکی بو قیرلماز نفوذ واستقلال قارشوسنده اصحاب دعاوی بی دخی اهماال ایتمه مش ، اونلرکده عندالحاجه رؤسای محاکمه قارشو دافعه حقوقی ایچون اعتراض علی الحکم واشتکاک کی طرق خلافیه بی آچیق برافشدر . حقوقک چیکندیکی ، پامال تعرض اولدینی کورن بر دعواچی ، ینه بر منطق قانون بووسالنه مراجعتله اظهار حقه مقتدر اولور .

استقلال محاکمی نقید ایدن ایدن وسائلك تحریسی صدندنه ایلک نظره چارپان نقطه ، مدعی عمومیلرک مداخله لری ، حکامه قارشو حائز بولندقلری نفوذ معالای مستشارلیدر . حالبوکه دقتی بر نظر هیچ بر وقت استقلال محاکمی مدعی عمومیلرک حرکاتیه رخنه دار اولمش کورمز . مدعی عمومیلر ، حائز بولندقلری نفوذی انحق طرفین مواجهه سنده محاکمه قارشو بیان رأی ومطالعده بولورلر حتی کمدیلری مذاکره بولنقدن بیله منع ایدیلرلر . اونلرک بر موجب قانون مطالعه لری بیان ، اجتهاد وجدانیلری حضور محاکمه اتیان ایاملری هیچ بر وقت مداخله معنائنی مفید اولماز .

استقلال محاکمه قارشو تصور اولنه بیله جک قوتلرک ایکنجیسی ؛ مفتشلدن . مفتشلدن محاکمی دور ایدر ، سجاتی تدقیق ، امور مأورنده سو ، استعمالی کوریلنلری نظارته اشعار . بر قسم مأورین عدلیه بی تحت محاکمه ایدرلر . بولرکده استقلال محاکمی مغل ظن اولنان مواد ارسنده بر موقع اهمیتلری وارد ظن اولنور . حالبوکه عدلیه مفتشدرینه ویریلن صلاحیت ، بر انسجام قانونی ایله محاکمک تحدید نفوذینی دکل بلکه سربستی قضالری ، کاملاً تأمین وسائل استقلاللری موجبدر .

۶ اغستوس ۱۳۰۰ تاریخی بر تحریرات عمومیه دقت و اعتنا ایله حل و مقصد قانونه وصول ممکن اولان مواده اتعاب فکر اولنیمه رق اشکال ظاهری اوزرینه مافوق محکمه سندن ویا عدلیه مفتشلی مقامندن استیضاح و استیذانله مألوف اولان مأورین عدلیه نک اخطار ، تبدیل ویا تحت محاکمه یه النقی کی تأدیبات قانونیه قارشوسنده بولندیریه جنی صراحة بیلدیرلمشدر . بناءً علیه حرکات حکامی تقید ایلدیکی ظن اولنان مفتشدرک ، بالعکس معنای استقلالی بر درجه دهها توسیع ایدن عواملدن اولدینی شو صورتهده تظاهر ایدر .

عدلیه مفتشدرینک بو نقطه نظرندن ماهیت قانونیه لری ایله مواد قانونیه اوزرینه عندالحاجه مقام نظارتدن

بازیله جق محررات عمومیه مؤدای اصلیمی بیننده بر تقارن معنوی کوریلور . هیچ بروقت حاکم ، بر تحریرات عمومیه نک ناطق اولدینی معنایی قانون شکل وقوتنده کورمز ، محررات مذکوریه بی ویره جکی اعلامه درج ایلز . عندالوقوع او اعلامه علاقه دار اولانلر اعتراض ایتمه ، کندی حقلرینی اسقاط ایلسه لریله موضوعات قانونیه بی طرق خلدن وقایه یه مأور اولان مدعی عمومیلر ، در حال حکم اعلامی فسخ ویا نقض ایتدیرمک شتابان اولورلر .

اصول محاکمه حقوقیه قانونک اوچنچی و مجله احکام عدلیه نک بیک سکز یوزنجی ماده لری بو حقائق واضحاً اعلان ایلکدهدر . مجنه نک ماده مذکوریه سیله حکامک طرف سلطانیدن علی الاطلاق اجرای محاکمه حائز وکالت اولدینی ، بو خصوصده کیسه دن تلقی اوامره محتاج بولنمادینی . اصول حقوقیه نک صراحت مندرجه سی ایلده رؤیت دعاویده محاکمک حر و مستقل بولندقلری ، دعاوینک صورت فصل و رؤیتی امرنده کیسه طرفندن مداخله جائز اوله مایه جنی صراحة بیان و اعلان بیورلمشدر .

بر محکمه دن ویریلن اعلامک اول محکمه دن ، یاخود مافوق محکمه سندن اصول موضوعه سی وجهله فسخ و نقض اولنمادقه کالاول مرعی و معتبر طوتیه جنی حقنده کی صراحت قانونیه ایسه استقلال محاکمک اک قوتلی براهین مؤیده سندن عد اولنسه سزادر

اگر بو حقیقت بودرجه اهمیت وجدیتله مدافعه ، احکامی تقویه ایدله مش اولسه ایدی حقوق ناسی ماهوالحق محافظه ، تکامل اجتماعی بی طرق خلدن وقایه ، شبهه سز ، ممکن وقابل اوله مازدی .

قبوسندن برزده ، نسیم مداخله نک کیرمامسی مطلوب اولان محاکم ، پک مقدس اولان استقلاللرینی انحق بونوع صراحتله قوتلندیرمشدر ، ملل متمدنده وله وحیرتله تماشایلدیکمز حقائق عدلیه نک سنو حنه سبیت ویره رک هم کندیلری احرازنیک نام ایلشدر ، همده سقط بر طرز تفکرک قوربانی اولسی ملحوظ بولنان حکومتلرینی تاریخک سهام تعریضندن قورتارمغه موفق اولمشدردر .

بو حقائق انشراحله تعقیب ، مشروطیت عادلّه عثمانیه نک مدار ابتهاجی ، سرلوحه آمالیدر .

انجمن عدلیه ضبط کاتبی

م . اشرف



اعلانات

مرحوم عاصم پاشا ورثه‌سندن فاطمه برجیس و فاطمه پاکیزه و خدیجه فطنت خانم‌لرله محمد سعاد و علی رشاد بکلرک حسب‌الاصاله والکفاله سرکنز طاشجیان افندی ورثه‌سینه اولان دینلرندن طولای مره‌ن و فروختی محکوم اولوب اوقاف نظارتی اتخاذ و نظارت مشارالیه طرفندن سنوی اوچر یوز لیرادن اوچ سنه‌لیک استیجار قلمش اولان چنبرلی طاشده عتیق علی پاشا محله‌سندن سلحدار اغا زقاغنده معلوم‌الحدود درت بیک طقوز یوز کسور ارشون عرصه‌ی جامع حرم و سلاملق و مشتملات سائره‌ی حاوی براب قوناغک تمامی اجرا قلنان مزایده نتیجه‌سنده لیرای عثمانی یوز غروش حسابیه یوز الی بش بیک غروشدہ طالبی عهده‌سندن تقرر ایدرک موقه قرار داده‌ی کشیده قلمش اولدیغدن یوزده بش ضم ایلہ طالب اولنلرک تاریخ اعلاندن اعتباراً نہایت اوتوز برکون طرفنده دائرہ و مدت مذکورک ختامندن صکرہ املاک مذکورہ پیشکاهنده مأموری مواجهه‌سندن حاضر بولملری درسمادت اعلانات نظامیه اجرا دائره‌سندن اعلان اولنور

کانون اول ۸ سنه ۳۲۵

طوبحی ملازمی عالیشان افدینک کستانه‌قریه‌لی صاری قالفه اوغلی ذمتنده بااعلام‌الاجنی اولان معلوم‌المقدار مبالغک تأمین استیفاسی ضمننده بانک شعبه‌ی صندیغنه یاغجی عنکلاکیه مرهون بولنوب تحت حمزه آلمان قریه جوارنده طقوز دوئم سبزه بغچه‌سیله اتصالده اوچ دوئم ترا و قریه دروننده براب خانه و مطبخ تاریخ اعلاندن اون بش کون صکره بلمزایده فروخته تشبث اوله‌جغندن طالب و راغب اولنلرک چتالجه اجرا دائره‌سنه مراجعت ایملری اعلان اولور

۱۴ کانون اول سنه ۳۲۵

اوچیوز یکریمی بش سنه‌سی نیساننک اوچنجی کیجه‌سی ساعت درت راده‌لرنده صماتیه‌ده احمدیه محله‌سندن رمضان افندی زقاغنده جامع شریف قارشوسنده واقع بستان دروننده کی کلبه‌ده بالقجی خپار‌سومی قتل قصدیه وروولور قرشونیه جرح ایلدیکی ادعاسندن طولای مظنون علیه اولوب هیئت اتهامیه‌جه جنایتله اتهام اوله‌رق حقنده اخذ و گرفت امری ویرلش اولان وصماتیه‌ده صولی مناستر کلیسای آرقه‌سندن کی کلبه‌لرده اقامتله ایستفانوس ساحلنده بالقجیلای ایدن اورته بویلی الاکوزلی تراش چکلی قرق یاشنده آستانه‌لی قاپریل ولد حچاطور الیم اثبات وجود اتمه‌مش اولدیغندن اصول محاکمات جزائیه قانوننک اوچیوز یتمش برنجی ماده‌سی موجب‌جه محکمه‌یه کلسی ایچون اشبو تا یغدن اعتباراً جانب ریاستدن مجدداً اون کون مهل

ویرلمکله اشبو مدت ظرفنده کلدیکی حالده کندوسنه قانونه اطاعت اتمه‌مش نظریله باقیه‌رق محاکمه‌سنگ غیاباً بالرؤیه حقوق مدنی‌دن اسقاط واموالی حمز اوله‌جغنی و بوائناده برکونه دعوی اقامه‌سنه حتی اوله‌میه‌جغنی وعلیه‌نده دعوایه قیام ایدیه‌جکی کی بولندیغی محلی بیلنلرک خبر ویرمکه و بالجله ضابطه عدلیه مأمورلرینک کندوسنی در دست ایتکه مجبور اولدقلرینی مبین اشبو قرارنامه اصول محاکمات جزائیه قانوننک اوچیوز یتمش ایکنجی ماده‌سندن استنباط اولنان احکامه توفیقاً تنظیم و معامله جزیه حقنده تبلیغات مقتضیه‌سنگ اجرا وسائر معاملات ایفا اولمق ایچون نسخه کافیه‌سی مدعی عمومیلکه تودیع قلندیغی اعلان اولنور

۱۵ کانون اول سنه ۳۲۵

اون بش سنه‌یه محکوم و اعلان حریتده عموم حبسلرله برلکده حبس‌خانه‌دن فرار ایدرک بیک اوچیوز یکریمی بش سنه‌سی اغستوسنک یدنجی کیجه‌سی بیرامیج قضاسنه تابع اوحدلر قریه‌سندن کیرازلی علی اوغلی محمدی لیلاً «غرا» تفکیکه جرح و قتل ایتدیکی ادعاسیه مظنون علیه اولوب وادی فرارده بولنان بیرامیج قصه‌سندن کاور امام نامیه مشتهر افه اوغلی محمد و مرقوم محمد قلاغوزلق و معاوندته بولندیغی ادعاسیه کذلک مظنون علیه اولوب مقتول محمدک همشیره‌سی قیزینک بکرینی ازاله ایتسندن ناشی قلعه سلطانیه حبس‌خانه‌سندن موقوف بولنان بیرامیجک یکی کوی اوبه‌سندن موسی اوغلی ابراهیم جنایتله اتهام ایدلمش و فراری مرقوم افه اوغلی محمدک قانونه اطاعتله محکمه‌یه کلسی ایچون جانب ریاستدن کندوسنه اون کون مهل ویرلش اولدیغندن مهل مذکور طرفنده مرقوم اجابت ایتدیکی حالده قانونه اطاعت ایتامش نظریله باقیه‌رق محاکمه‌سی غیاباً بالاجرا حقوق مدنی‌دن اسقاط واموالی حمز ایدیه‌جکی و بوبابده برکونادعایه حتی اوله‌میه‌جغنی و مرقومک بولندیغی محلی خبر ویرمکه و بالجله ضابطه عدلیه مأمورلرینک کندوسنی در دست ایتکه مجبور بولندقلری کی معاملات جزیه حقنده مدعی عمومیلکه تبلیغات اجرا ایدلیدیکی جهته اصول محاکمات جزائیه قانوننک اوچیوز یتمش بر و اوچیوز یتمش ایکنجی ماده‌لرندن استنباط اولنان احکامه توفیقاً اشبو قرارنامه بالتظیم اعلان اولنور

۱۵ کانون اول سنه ۳۲۵

دعوی وکیلی اوننک افدینک بک اوغلنده بلبل دره‌سندن کولباشی زقاغنده کائن خانه‌سی قپوسنی قیرمق صورتیه بالذخول اشیاسنی سرقت ایتدکاری ادعاسیه مظنون علیهمون اولوب غیر موقوف بولنان قالیونجی قوللغنده سمیدجی زقاغنده اکلی یوقوشده اون اوچ نومرولی خانه‌ده ساکن غراموفونجی یکریمی یاشنده واهان ولد صفر ایلہ اسکدارلی اردوانسک اصول محاکمات جزائیه قانوننک مواد مخصوصه‌سی احکامنه توفیقاً موقوف بولنان رفیق‌لری قوپرین داوینک ایلہ برلکده درسمادت جنایت محکمه‌سندن محاکملری اجرا قلنمق اوزره قانون جزائک ایکوز یکرمنجی ماده‌سی موجب‌جه جنایتله اتهام‌لرینه قرار ویرلیدکندن متهمان

مرقومانك هر زرده كوريلورلر ايسه طوتيلوب محكمه مذكوره توقيفخانه سته تسليملى لازم كله چكي بالجملة
ضابطه عدليه مأمورلرينك معلومى اولق اوزره اشبو اخذ وكرفت مذكوره سى در سعادت هيئت آتاهيه سندن
بالتنظيم اعطا قاندى . ۱۷ كانون اول سنه ۳۲۵

عارف چاوشك ميسائيله اولان ديندن طولاي مديونك تحت حجزه آلتش اولان بر ساعت وايكى صغير
وبركبر آينه سنىك تاريخ اعلاندن اعتباراً اوچ كرن صكره يعنى شهر حال رومينك يكرمى اوچنجى چهارشنبه
كونى ساعت درت بحق راده لرنده چارشوى كبرده بدستان دروننده بلزايده فروخت اوله جنى در سعادت
اعلامات نظاميه اجرا دائره سندن اعلان اولنور .

۱۸ كانون اول سنه ۳۲۵

غلطه ده از ميرلى اوغلى خانى تحتده ۹ نومروده مقيم تجار تله مشغول يوركى آ . انسطاشياديسك
۱۹ كانون اول سنه ۳۲۵ تريخندن اعتباراً اعلان افلا سته وم صالح افلاسيه سنىك رؤيت وتسويه سى ضمننده
اعضاي محكمه دن بدروس افدى قره يان ژوژ قوميسر ودعوى وكيللرندن واسيلاكى زاخارياديس افنديك
موقت سنىك تعيينلرينه ومغار مسيله دپولرنده كى اموال تجاريه واشيلى زائده بيتيه سنىك تمهينه ر اوراق
ودفاترينك جلبنه وكفالت مصدقه ارايه ايدمه مديكى تقديرده حبس وتوقيفه ويوبابده كى قرارك موقت اجرا سته
بحريه محكمه سندن قرار ويرلمش اولديغندن قانوننامه تجار ك يوز يمتشنجى ماده سى موجبجه دائمى سنىك
انتخاب اولق اوزره اصحاب مطلوبك اشبو بيك اوچيوز يكرمى بش سنه سى كانون ثاينيك در دنجى بازار ايرتسى
كونى ساعت التى راده لرنده محكمه ك افلاس معاملاتنه مخصوص اوطه سته كللى لزومى اعلان اولنور .

۱۱ كانون اول سنه ۱۳۲۵

لطفه خانك متوفى حاجى عثمان افدى ذمتده محكوم به الاجعندن طولاي ورثه سندن ثابت وفضل
ومحى الدين افنديلرك پدر ووالده لرندن منتقل ملازير كده امام افدى زقاغنده اوتوز بر نومرولى خراب برباب
اخشاب خانه ك ايكي يوز يكرمى درت سهم اعتباريله يمش درت سهم حصه سنىك تاريخ اعلاندن اعتباراً
اون بش كون صكره بلزايده فروخته شبت اوله جنى در سعادت اعلامات نظاميه اجرا دائره سندن
اعلان اولنور . ۲۰ كانون اول سنه ۳۲۵

پوسته وتلغراف مديريت عموميه سنىك حليم بك ذمتده محكوم به الاجعندن طولاي مديون مومى اليه
والده سندن منتقل اولوب تحت حجزه آلتش اولان قاضى قريه سنده عثمان اغا محله سنده دوز زقاغنده مكرر

يكرمى ايكي نومرولو تخميناً ايكي يوز ارشون عرصه ك نصف حصه سى اجرا قلنان مزايده نتيجه سنده
ايراي عثمانى يوز غروش حسابيله بشيك غروشده طالبى عهد سنده تقرر ايدرك موقت قرار داده سى
كشيد قيلمش اولديغندن يوزده بش ضم ايله طالب اولنرك تاريخ اعلاندن اعتباراً نهايت اوتوز بر كون
ظرفنده دائره ده ومدت مذكوره ختامنده املاك مذكوره پيشگاهنده مأمورى مواججه سنده حاضر بولملى
در سعادت اعلامات نظاميه اجرا دائره سندن اعلان اولنور . ۲۰ كانون اول سنه ۳۲۵

شهر امانى دعوى وكيل احسان بك ، شهر امين اسبقى رضوان پاشا مرحومك امات مشايراليه
اضافله عثمانى بانقه سندن توارىخ مختلفه ده اخذ واستقراض ايلديكى ايكوز يكرمى ايكي بيك آلتوز طقسان
اوچ ليرا اوچ غروشدن ايكي يوز يكرمى بيك ايكوز سكسا . يدى ليرا اللى بش غروشى تسليم وزنه ايدرك
مباقى ايكيك درتيوز بش ليرا قرق سكز غروشك تأمين استيفاسى ضمننده متوفى مومى اليه متصرف
اولدينى قارنال قضاسنه تابع ارز قريه سنىك ارض لطيف نام ديكر چتال چشمه موقعنده واقع و طراف
اربه سى روح ترلاسى ويكى طريق وقره آغوب ترلاسى وشمندوفر خطى ايله محدود متصرف اولدينى
الللى يدى دوخ اراضى ميريه سى تحت حجزه آلدبرمش اولديغندن موضوع حجزك تصديق ومبلغ مذكورك
مع فائض ومصارف محاكه واجرت وكالت متوفى مومى اليه ورثه سندن مخدومى شيشليده قبرستان سواقنده
(۷) نومرولى خانه ده مقيم رشاد رضوان بكدن اجراى موقتله تحت حكمه آلتسى بك اوغلى ايكنجى
حقوق محكمه سنده دعوى اولنسى اوزرينه لاجل التبليغ تنظيم وارسال قلنان دعوتنامه ظهريه محله سى اماميله
خدمه سى طرفندن ويريلان شمر حده مومى اليه رشاد رضوان بكك زويه كيتديكى مجهول بولنش اولديغندن
اصول محاكه حقوقه قانونك يكرمى آلتنجى ماده سته توفيقاً دعواى مذكوره ك ۳۲۵ سنه سى كانون
ثاينيك يدنجى پنجشنبه كونى ساعت سكزده رؤيت اوله جغه دائر تنظيم قلنان دعوتنامه ك محكمه ديوانخانه سته
تعلق اولندينى ومدعى غايه مشايراليه يوم مذكوره ساعت سكز راده لرنده بالذات محكمه كديكى ويا
طرفندن مصدق بروكيل كوندردىكى حالده معامله غيايه اجرا قلنه جنى اعلان اولنور . ۱۱ كانون اول سنه ۳۲۵

مزين خانك متوفى فائق پاشا ذمتده اله جنى اولوب تركه متوفان اولق اوزره مخدومى على
ناجى بكدن تحصيله بك اوغل بدايت محكمه سى رنجى حقوق دائره سندن صادر اولان ۱۱ تشرين اول سنه
۳۲۵ تاريخلى اعلاميله حكم ويريلن غير از مأخوذ طقوز بيك يديوز سكسان طقوز غروشك تأمين
استيفاسى ضمننده پاشاى متوفى نامه مقيد اولوب حجز ايديلن اسكدارده التونى زاده محله سنده احمد بك

زقاغنده عرض فقيه وقفه مقاطعه لو و تخمیناً ایکوز الی زراع عرصه مبنی الی اوطه ایکی صوفه برقیو
برصهرنج اخور و اوطه لایله تخمیناً التمش دوم مقدار حراب باغی مشتمل بر باب اخشاب کوشک
تاریخ اعلاندن اعتباراً اون بش کون صکره بالزایده فروخته تشبث اوله جغندن طالب اولوب دهها زیاده
معلومات المق استینارک بک اوغلی اجرا دائرہ سنه مراجعت ایتملی اعلان اولنور

۲۱ کانون اول سنه ۱۳۲۵

شکری افندی ورثه سنک امینه خانم ذمتنده محکوم به معلوم المقدار مطلوبنک استیفاسی ضمننده مدیونہ
مذبورہنک قاسم پاشاده جامع کیر محله سنده کسیم اوغلی زقاغنده یکر می ایکی نومرولی صرف ملک تخمیناً
اوجیک یوز سکسان زراع مقداری اشجار مثمره وغیر مثمره و بوستان قیوسنی مشتمل سنوی بیکی ایکوز
غروش بدل ایجارلو بوستانک سکزده بر حصه شایعه سی لدی المزایده بشیوز غروش التون اچہ بدلایله طالبی
عهده سنده تقرر ایدہرک موقت قرار داده سی کشیده قلنمش اولغله تاریخ اعلاندن اعتباراً اوتوز بر کون
ظرفنده یوزده بش ضمیله طالب اولانلرک یوزده اون نسبتنده کی پی اچہ لرینی مستصحباً بک اوغلی اجرا
دائرہ سنه مراجعت ایتملی و اوتوز برنجی کونی یعنی شهر کانون ثانینک یکر می برنجی چهارشنبه کونی ساعت
سکز راده لرندہ املاک مذکورہ پیشکاهنه عزیمت ایدہرک مأموری مواجہہ سنده حاضر بولنملری دائرہ
مذکور دن اعلان اولنور .

۲۱ کانون اول سنه ۱۳۲۵

خایم اسکنازینک برادرلری نسیم و مرقاده و خاخم عوئل اسکنازیلہ یاقو افندیلر و صارہ خانم ذمتلرندہ کی
مطلوب محکوم بہک استیفاسی ضمننده اخیراً وفات ایدن مرقادودن ماعداسنک پدرلری متوفی الیادن انتقالاً
متصرف اولدقلری حصکویده پیری پاشاده مندیله زقاغنده الی نومرولی خانہ کی مرهون اولان حصہ لریلہ
مؤخرأ تحت جزہ الدیرلمش اولان مذکور خانہ و مشتملاتندن درت نومرولی دکانده کی حصه شایعه لرلی لدی المزایده
التیک غروش التون اچہ بدلایله طالبی عهده سنده تقرر ایدہرک موقت قرار داده سی کشیده قلنمش اولغله
تاریخ اعلاندن اعتباراً اوتوز بر کون ظرفنده یوزده بش ضمیله طالب اولانلرک یوزده اون نسبتنده کی
پی و دپوزیتو اچہ لرینی مستصحباً بک اوغلی اجرا دائرہ سنه مراجعت ایتملی و مدت مذکورہنک ختامہ
مصادف شهر کانون ثانینک یکر می دردنچی بازار کونی ساعت الی قرار لرندہ املاک مذکور پیشکاهنه عزیمت
ایدہرک مأموری مواجہہ سنده حاضر بولنملری دائرہ مذکورہ دن اعلان اولنور .

فی ۲۱ کانون اول سنه ۳۲۵

سرکز صرانبانک ماردیک اوغلی قرہ بت و بغوص ذمتلرندہ محکوم به الہجفی اولان معلوم المقدار مبالغک
مع فائض و مصارف محاکمہ استیفاسی ضمننده مدیون مرقومانلرہ انتقالاً متصرف اولوب ازنیف قادین
عهده سنده وفاء مفروغ بولنان بک اوغلندہ قمر خاتون محله سنده مارغرید زقاغنده مکرر یکر می نومرولی
خانہ ایله تحتندہ کی یکر می نومرولی اوچ باب دکانلرندہ کی نصف حصه شایعه لرلی بدل رهندن فضلہ سنه شامل
اولق اوزرہ تحت جزہ النمش اولغله تاریخ اعلاندن اعتباراً اون بش کون صکره املاک مذکورہ حصه
شایعه سنک بالزایده فروخته تشبث اولنہ جغندن طالب اولانلرک بک اوغلی اجرا دائرہ سنه مراجعت ایتملی
اعلان اولنور

۲۲ کانون اول سنه ۳۲۵

اوجیوز یکر می دت سنه سی اغستوسنک سکزنجی جمعہ کونی سلطان احمدده اوچلر محله سنده توتونچی محمد
آغانک دکانندن سرقتہ تصدی ایلدیکی ادعاسیلہ مظنون علیہ اولوب پرمق قپوده علی آغانک خانندہ و یاخودایر غادپازارندہ
ایرانی محمدک قہوم خانہ سنده بیتوت ایتمکده ایکن وقعہ پی متعاقب فرار ایتیش اولان سبزہ واتچی انقرہ لی مصطفی بن محمدک
اصول محاکمات جزائیہ قانوننک مواد مخصوصہ سی احکامہ توفیقاً در سعادت جنایت محکمہ سنده محاکمہ سی اجرا قلنمق
اوزرہ جنایتلہ اتہامنه قرار ویرلدیکندن متهم مرقومک هر زده کوریلور ایسہ طوتیلوب محکمہ مذکورہ توقیف خانہ سنہ
تسلیمی لازم کلہ چکی بالجلہ ضابطه عدلیہ مأمور لرینک معلومی اولق اوزرہ اشبو اخذ و گرفت مذکورہ سی در سعادت
هیئت اتہامیہ سندن بالتنظیم اعطا قلندی

۲۲ کانون اول سنه ۳۲۵

اوجیوز یکر می بش سنه سی اغستوسنک سکزنجی جمعہ کیجہ سی طوپخانندہ دفتر دار محله سنده کراسہ
زقاغندہ واقع قصاب حاجی ادهم افندینک متصرف و کندوسنک مستأجر بولندینی خانہ پی سیغورطہ بدلہ
طمعاً و قصداً احراقہ تصدی ایلدیکی ادعاسیلہ متهم بولنان مذکور خانہ باشندہ کی دکانده بقاللق ایتمکده ایکن
فرار ایدن اوزون بویلی الا کوزلی قرہ بیقلی اسمر بکزیلی اوتوز اوچ یاشندہ شار کوبلی توخاری ولدنیقولی
حقندہ اصول محاکمات جزائیہ قانوننک ۳۷۱ نجی مادہ سی موجبہ معاملہ مقتضیہ ایفا و محاکمہ غیابیہ سی
بالاجرا نتیجہ سنده مرقومک فعل مدعا بہ مجاسرتی ثابت اولہرق قانون جزانک ۱۶۴ نجی مادہ سنک فقرہ
اخیرہ سی حکمہ توفیقاً اوچ سنہ مدتلہ کورک قونلمسنہ و اوتوز برنجی مادہ منطوقنہ حقوق مدنیہ دن اسقاطیلہ
اموال مجبوزہ سنک اداره ایتدیرلمسنہ محکمہ جنایتدن حکم اولنمش و اصول محاکمات جزائیہ قانوننک ۳۷۷
و ۳۷۸ و ۳۸۱ نجی مادہ لریلہ مواد سائرہ سی احکامہ توفیق معاملہ اولنمش مرجعہ بیلدیرلمش اولغله
۳۷۸ نجی مادہنک جملہ احکامندن اولدینی وجهلہ اعلان کیفیتہ ابتدار قلندی .

۲۲ کانون اول سنه ۳۲۵

ملتيادينك بك اوغلنده غلطة سراي قارشوسنده قرمن خاننده مقيم ديون عموميهك غلطة ادارهسى پول شعبهسى مأمورلردن ديمتري خاچوپلو ذمتنده بك اوغلى بدايت محكمهسى ايكنجى حقوق دائرہسندن صادر اولوب معامله تبليغيهسى ايضا قلنان ۲۳ اغستوس سنه ۳۲۵ تاريخلى اعلام حكمنك تنقيديه دائر تنظيم قلنان اخبار نامهك زيرينه ويريلان شرحدن مديون مرقومك محل مذ كوردن چيقوب كيتديكي و اليوم اقامتكاهي مجهول اولديني اكلاشلمش اولمغله اجرا قانوننك يكرمى طقوزنجي مادهسى موجبجه ذكر اولنان اخبار نامه دائره اجرا ديوانخانهسنه تعليق ايديلهرك مديون مرقومك طقسنان بركون ظرفنده اثبات وجود ايتديكي حالده ديني ادادن امتناع ايتمش عد اولنهرق اموالك حزينه حكم اعلامك اجرا اولنهجني دائره مذ كوردهن اعلان اولنور

۲۲ كانون اول سنه ۳۲۵

دوزجهك چالي قريهسندن حاجي احمد افندي زاده محمد و واحد و نيازي و خطيب علي افنديرك قريه مذ كورده ساكنه متوفي حاجي احمد افندي زوجهسى عايشه ذمتنده با اعلام محكوم به آلاچقلى اولان مبالغك تأمين استيفاسي ضمننده مديونه مذبورهك چالي قريهسنده و چارشو دروننده حدودلري دائره اجراجه مضبوط بر باب دكانك سكزده بر سهميله قريه جوارنده قوناق يري موقعنده كائن بر باب و بر طاش دور ايدر دكرمنك اوچ سهم اعتباريله بر سهمك سكزده بر حصهسى و كذلك قريه مذ كورده قبطيلر محلهسنده كائن بر باب و بر طاش دور ايدر دكرمنك نصفك سكز سهميه بر سهمي تحت حيزه الخش اولديغندن اموال مذ كورده اولان حصه شايههرك تاريخ اعلاندن اعتباراً اون بش كون صكره بالمزايدة فروخته تشبث اولنهجني اعلان اولنور

۲۳ كانون اول سنه ۳۲۵

ديمتري يووا نوويچيك بك اوغلنده تقسيمده روم كليساسنك ارقه جهنده مقيم نجيب ملحمه پاشا ذمتنده اصالة وكفالة الهجني اولان بيك عدد عثمانلي ليراسنك مع فائض ومصارف محاكمه تحصيلي دعوى اولمش ونجيب ملحمه پاشايه لاجل التبليغ تنظيم وارسال قلنان دعوتنامهده اقامتكاهي مجهول اولديني بيان ايدليكمندن مدعي وكينك طليله اصول محاكمه حقوقيه قانون موقتنيك يكرمى التنجي مادهسنه تويقاً دعواي مذ كورهك رؤيتي ۳۲۵ سنهسى كانون ثانيك اون سكزنجي بازار ايرتسي كوني ساعت التيده رؤيت اولنهجغه دائر تنظيم قلنان دعوتنامهك محكمه ديوانخانهسنه تعليق اولنديني ومدعي عليه مشار اليك يوم مذ كورده ساعت التي راده لرنده بالذات محكمهيه كلمديكي ويا طرفندن مصدق بروكيل كوندردميكي حالده حقنده معامله غيايبه اجرا قلنهجني اعلان اولنور

۲۴ كانون اول سنه ۳۲۵

حسن حسني افنديك فاطمه ملك خانم ذمتنده بك اوغلى بدايت محكمهسى برنجي حقوق دائرہسندن صادر اولان ۲۰ تموز سنه ۳۲۴ تاريخلى برقطعه اعلام موجبجه محكوم به الهجني اولان معلوم المقدار مبالغك تأمين استيفاسي همچون مديونه مومي اليك داود پاشا جوارنده سيدخليفه نام ديكر سيدعلي محلهسنيك قوزي سيل زقاغنده قان پدري و حرمين الشريفين واسما خانون و قفلرندن يدي اوطة ايكي صوفه و بر قيو و يدي يوز يكرمى ارشون مقداري بغچهبي مشتمل يكرمى ايكي نومرولى بر باب خانهدهكي نصف حصه شايهسى اون بش كون صكره بالمزايدة فروخته تشبث اولنهجندن طالب اولانلرك بك اوغلى اجرا دائرہسنه مراجعت ايللري اعلان اولنور

۲۹ كانون اول سنه ۳۲۵

محمد ولي الدين افنديك خليل افندي ذمتنده محكوم به الهجني اولان معلوم المقدار مبالغك تأمين استيفاسي ضمننده مديون مومي اليك عهدۀ تصرفنده اولوب بك اوغلى بدايت محكمهسى برنجي حقوق دائرہسى قرارى ومقاولات محررلكي معرفيله تحت حيزه النهرق فروختي حكم اعلامه مستند بولنان غلطةده عرب اوغلان زقاغنده كائن طقوز نومرو ايله مرقم تحتنده بر باب دكاني مشتمل اولندهكي نصف حصه لى المزايدة اوتوز بيك غروش التون ايله بدل ايله طالبي عهدسنده تقرر ايدرك موقت قرار دادهسى كشيده قلمش اولديغندن تاريخ اعلاندن اعتباراً اوتوز بر كون مدت ظرفنده يوزده بش ضمه طالب اولانلرك يوزده اون نسبتندهكي پي ايله ريني مستصحباً بك اوغلى اجرا دائرہسنه مراجعت ايتلري و مدت مذ كوره ختامه مصادف شهر كانون ثانيك اوتوزنجي جمعه ايرتسي كوني ساعت اون قرارلرنده محلنده صوك مزايده علنهسى اجرا وقرار داده قطعيه كشيده قلمشق اوزره املاك مذ كوره پيشگاهنه عزيمت ايدجك مأمورى مواجههسنده حاضر بولملري دائره مذ كوردهن اعلان اولنور

۲۹ كانون اول سنه ۳۲۵



